


# DIIDIBANA TŠA MAITIRELO

 A re rapeleng. Morena, bjale re a dumela. Re dumela go Morwa wa Modimo, gomme, ka ye, re amogela Bophelo bjo Bosafelego ka Yena. Bjale re kgobokane gape, ka morago ga sekgalela se, goba manthapama a, kgobokanelo ye nngwe gape tirelo, re tshphetše Wena ka Molaetša le ka seo O tlogo go re botša bošegong bjo. Re dumela Wena, Morena, gomme re letetše go Wena. Gomme O rile, “Bao ba letetšego go Morena ba tla mpshafatša maatla a bona; ba tla hlatloga ka diphego bjalo ka ntšhu.” Gomme re a rapela, Modimo, gore O tla re fa Maatla mahlatlogela-godimo ao, bošego bjo, ge re letetše go Wena.

<sup>2</sup> Re leboga Wena ka batho ba, le ka seo ba se rago go Wena le seo ba se rago go nna. Ke Go lebogela sona, Tate. Ke bona mabje bohlokwa a Gago. Gomme ke a rapela, Modimo, gore bošego bjo, gore O tla iponagatša ka Bowena ka tsela ye nngwe, go bona, yeo ba e hlokago. Ge go na le balwetši mo, a nke ba fodišwe. Ge go nale go kamaka ka gare ga kgopolo ya yo mongwe; go phumule, Morena. Gomme e no re fa sa Bogona bja Gago le ditšhegafatšo tša Gago, ka baka la gore re a di nyaka, Morena. Ke wena go lekanela ga rena ka moka. Gomme, ka ntle le Wena, re ka se kgone go dira selo.

<sup>3</sup> Re rapela gore O tla amogela go faditebogo ga rena ka tšohle tše O di dirilego. Ka Leina la Jesu Kriste re lebeletše pele go ditšhegafatšo tša Gago. Amene.

Le ka dula.

<sup>4</sup> Gomme, go lokile, go na ba—ba botšididi ga nnyane bošego bjo bja Lamorena, ka mo, go feta ka fao go bego go le ka gona Lamorena la go feta bošego. Re thabetše kudu banešu bao ba šomilego ka botshephegi ka go tliša se ka mo. Ke tseba ba babedi goba ba bararo ba bona. Ngwanešu Mike Egan, bjalo ka ge ke bona morago kua, gomme ke . . . Ngwanešu Mike, le Ngwanešu Sothmann, Ngwanešu (ke a dumela) Roy Roberson, le Ngwanešu Woods, le ka moka ga bona, ba be ba le tlase mo ba no e hlagahlagela mphufutšo ntle, ba leka go e tsentšha ka gare gore re kgone go ba le Molaetša wo bjale, goba lehono. Ka fao, re thabile kudu.

<sup>5</sup> Bjale, Lamorena le le latelago mosong, Morena ge a ratile, ke nyaka go ba le tirelo ya phodišo, dithapelelo tša balwetši. Gomme re tla e gafela go tirelo ya phodišo, ge Morena a ratile.

<sup>6</sup> Ke lemogile, mosong wo, go na le sehlopha sa disakatuku mo. Ke di rapeletše. Gomme ke, ge le be le rapela le go opela, ke rapeletše disakatuku; gomme ka gona go na le tše ntšhi mo bošegong bjo. Ka fao, re—re dumela gore Modimo o fodiša

balwetši. Go na le mabopaki a mantšhi a magolo a phodišo magareng ga rena, le go kgabola lefase, gomme re thabile kudu ka se.

<sup>7</sup> Gomme ke ile ka gopola, Lamorena le le latelago, ka gore ke swanetše go tloga lebakana le lennyane, gomme re be re swere kudu go ruteng gomme ga Molaetša, gore ke be ke gopole gore go tla ba selo se se botse ge re ka ba le—le tirelo ya phodišo, go rapelelwa balwetši. Gomme re a tshepha gore Modimo o tla re fa nako e kgolo.

<sup>8</sup> Bjale, ba bantšhi ba lena ba swanetše go otlela dimaele tše ntšhi bošegong bjo. Ka fao ke be ke bolela le dihlopha ka kua ka—ka Blue Boar Cafeteria, lehono, fao ke bego ke na le matena. Batho ba bantšhi ba bakaone, ke ile ka šišinya diatla tša bona gomme ka bolela le bona, batho bao ke sego ka ke ka kopana le bona pele, bao ba tlogo mo kerekeng. Gomme ke thabela kudu bagwera ba mohuta woo, gomme ke nyaka go leboga yo mongwe le yo mongwe wa bona. Ba bangwe ba bona ba futše diperi tše ntsho, gomme ba re tletše. Gomme yo mongwe o re tlišeditše emere ya sirapo, goba molasese, ke a dumela e be e le wona, le—le dilo feela. Ga le tsebe seo se se se rago. Gomme ka moso, ke tla godimo gomme ka ya ka ntle ga ntlo, nako ye nngwe kua . . .

<sup>9</sup> Mosong wo mongwe go be go na le ngwanešu fao yo ka nnete a bego a tšwele, a se na le diaparo le dilo, a nyaka gore ke ye ke mo hweletše diaparo. Ke ile ka thoma go ya ka ntle, gomme gabotse ke ile ka wela godimo ga emere ya diperi tše ntsho ye e bego e dutše fao. Ka re, “A o tlišitše diperi tše ntsho tše?”

<sup>10</sup> Gomme a re, “Aowa, ga se nke ke e ba le selo go dira ka yona. Ke bile mo pele ga seetša sa letšatši, gomme di be di dutše mo nakong yeo.” Gomme e be e le wa go loka Ngwanešu Ruddell a di tlišitšego go nna. Gomme, ka fao, dilo tšeo ka nnete ke a di leboga.

<sup>11</sup> Billy Paul o sa tšwa go bolela go nna, dinako di se kae tša go feta, gore magareng ga phuthego ye bošegong bjo, ba tšere moneelo, woo ba o tšeetše nna. Ke—ke le lebogela seo. Ke be ke sa nyake gore le dire seo. Ke—ke no leboga matsapa a lena, le go ya pele, eupša seo se be se se bohlokwa. Gomme, eupša, Morena a le šegofatše. Le a tseba, le a tseba, Beibele e rile, “Ka mokgwa wo le diretšego ba bannyane ba, le dirile se go Nna.”

<sup>12</sup> Bjale, ke be ke bolela le lena ka mokgwo wo mongwe, ka Molaetša, thwi kudu. Gomme ke . . . Batho ba bangwe ba ka no ba ka fase ga kgopolo ya gore—gore ke nagana gore Jesu o ya go tla ka mosong goba bošegong bjo. Ke a dira. Bjale, ga ke re O tla dira. Gomme, gape, A ka no se tle mo bekeng ye a latelago, gomme e ka no ba ngwaga wo o latelago, e ka no ba mengwaga ye lesome. Ga ke tsebe gore O ya go tla neng. Eupša,

go na le selo se tee ke nyakago . . . ka mehla bea ka kgopolong, e ba yo a lokilego motsotso wo mongwe le wo mongwe goba iri. Le a bona? Gore, ge A sa tle lehono, A ka no ba mo gosasa. Ka fao e no boloka seo ka kgopolong ya gago, gore O etla.

<sup>13</sup> Ga ke tsebe gore ke nako efe e yago go ba iri ya ka ya mafelelo mo lefaseng le, le bile ga go le yo mongwe wa rena. Gomme ga go le o tee wa rena a tsebago gore O ya go tla neng. Le Yena ga a tsebe, ka Boyena, ka a Gagwe Mantšu Mong; O rile, “Tate, a nnoši, o tseba gore O tla tla neng; le Morwa ga a tsebe gore O tla tla neng.” Ke ge Modimo a Mo romela go rena gape. Eupša re lebeletše Gotla ga Gagwe. Gomme ge A sa tle ka lelokong laka, A ka no tla go le le latelago; ge A sa tle ka go leo, O tla tla ka go le le latelago. Eupša, go nna, ga ke kgone go bona nako ye e itšego e šetšego. Ke no . . . Go nna, e ka no kgona go direga motsotso wo mongwe le wo mongwe. Bjale, seo ga se re . . . Seo ga se re, bjale, gore le tla bona magodimo a fetoga le se sengwe le se sengwe . . . Fao ga se Gotla fao ke go bolelago. Ke bolela ka Tlhatlogo.

<sup>14</sup> Bona, O dira Gotla mo go raro. O tla ka Bomorwa bjo boraro, Maina. O tla ka boraro; Tate, Morwa, Moya wo Mokgethwa. Bona, ka moka ga gona ke Kriste yo a swanago, Modimo yo a swanago, nako ka moka. Bjale, re a tseba O tla go tliša mešomo ye meraro ya mogau; tokafatšo, tlhwekišo, kolobetšo ya Moya wo Mokgethwa. Se sengwe le se sengwe, ka go Modimo, se felella ka boraro.

<sup>15</sup> Gomme ka fao O atla, sa pele, go lopolla Monyalwa wa Gagwe. O atla, la bobedi, bjalo ka Tlhatlogo, go tšea Monyalwa wa Gagwe go tloga. O a tla, la boraro, le Monyalwa wa Gagwe, Kgoši le Mohumagadi; ka morago, ke fao ge batho ba bantšhi ba letetše Gotla.

Eupša ge A etla nakong ye, ga go le yo motee eupša bao ba loketšego ba tla tseba gore O tla neng. Go tla no ba gona go se be gona ga batho. Ba ka se tsebe gore go diregile eng ka bona. Ba tla no tšeelwa go tloga, ka nakonyana, gomme gore ba tla tla go timelela. “Ba fetolwa ka nakwana, ka go ponya ga leihlo.” Ka fao e no lokela seo. E tla ba moso wa go befa go lahlegelwa ke yo o mo ratago, ga go na le yo motee yo a ka kgonago go ba hwetša. A go ka seke gwa befa go tseba gore e šetše e fetile gomme wena o e phošitše? Ka fao e no swarelela pele ga Modimo.

<sup>16</sup> Bjale, beke ye e latelago, Morena ge a ratile, Mošupologo wo o latelago, go tloga bekeng go tloga Mošupologo wo, ge Modimo a ratile, ke tšeela lapa morago go ya Arizona fao ba yago sekolong, ka gona ke—ke tla tla morago.

<sup>17</sup> Bjale, ga ke ye ntle kua . . . ga ke na le ditirelo tše di itšego go ba ntle kua go tšona. Ga ke ka Arizona le gatee. Ke ile felotsoko gape. Ke tšeela mohumagadi waka ntle kua,

Mošupologo wo o latelago. Ke tla morago mo gape. Ke tla tloga ke le mo go ya British Columbia. Ke bowa morago Colorado. Ke tla ba ka Arizona gape nako ye nngwe kgauswi le Khiresemose, feela metsotso e se mekae, botelele go lekanela. . . mohlomongwe a mabedi goba a mararo matšatši, ke tliše lapa mmogo, ke bowe morago mo go kgabola maikhutšo a Khiresemose, Morena ge a ratile, ke be le tirelo go kgabola beke ya ngwaga wo moswa mo.

<sup>18</sup> Ka fao ka gona ke mo, ka mmannete, go feta. Ke mo dinako atiša ka lesome kudu go feta ntle kua, ka baka la gore ga re na le kereke ye e itšego goba tirelo ntle kua, ga go selo se re nago le sona ntle kua, ka fao, ka tsela ya tirelo ya kereke. Ke selo se setee se sebe ka sona. Ga ke na le lefelo go romela bana leo ba ka kwago Molaetša wo, go swana le ka fao bana ba lena ba hwetšago go o kwa mo, gomme—gomme ka fao ke selo setee se se phamogile se re nago naso. Eupša ka moka ga bona ba fodile kudu. Ke ye e omilego, ya go fiša, tlelamete ya go oma, eupša ka moka bana ba bonala ba fodile kudu. Ga ke kua botelele go lekanela gore ke tsebe ge eba go fodile goba ga go a fola. Ke, ke mo mosepeleng, gomme ke—ke—ke a thanka ke nno tswalwa ke le mogolomi.

<sup>19</sup> Mohumagadi o mpitša. . . ke a tseba o ka mo, ka fao ke tla hwetša se ka morago ga kereke, le a tseba ka moka. Na seo se bitšwa eng, diphefo tša go šutha, goba diphefo tša malao mabe, goba e ka ba eng—e ka ba eng, le a tseba, lešabašaba la go šutha? Goba, ka mehla ke no ba mosepelong, ka mantšu a mangwe. Gomme e sale ke nyetše bjale, masomepedi-pedi a mengwaga, gomme nako ye nngwe ke nagana gore ke nna mosetsebjje go rarela ntlo, ka baka la gore ke swanetše goba ke tloga.

Eupša ke lebeletše nako yeo ge re tla be re iketlile fase ka Naga legaeng letšatši le lengwe. Eupša bjale ntwa e hlakile, ka fao a re beng ka thapelong.

<sup>20</sup> Le seke la lebala, Lamorena le le latelago mosong, ge Morena a ratile, tlišang ka gare balwetši ba lena le batlaišwa. Etlang ka pela, hwetšang lefelo la lena, gomme go molaleng gore go na le sehlopha se se tla rapelelwago. Re swanelwa ke go neela ntle dikarata tša thapelo. Ge se se gona sa go lekanela, re ka seke ra neela ntle dikarata tša thapelo, feela tše di lekanetšego go dira llaene ye nnyane go swana le ditoseine tše pedi goba tše tharo, goba se sengwe. Eupša re—re tla fa ntle ke therešo dikarata tša thapelo, ka fao ka therešo re tla e dira e ka ba iri pele ga tirelo ya mehlang, yeo ke nagana gore e tšea. . . E tla ba seswai, seswai goba seswai-masometharo, ba tla fa ntle dikarata tša thapelo; bulang kereke, efang dikarata tša thapelo Lamorena le le tlogo mosong. Gomme ka gona e bang le nnete go ba mo ka baka la ya lena. . . Tlišang baratwa

ba lena, ba beeng ka mola. Go tla be go le gabotse gomme go fodile ka kerekeng, ge ba babja, gomme re tla dira se sengwe le se sengwe re ka kgonago go ba rapelela.

<sup>21</sup> Ke le leboga, gape, ka moneelo wa lerato.

<sup>22</sup> Gomme bjale re ya go bala le lengwe la Lentšu la Modimo, bošegong bjo, gomme re lokele tiragalo ye ya Bogona bja Gagwe gapa go re tlišetša Lentšu la Gagwe. Bjale, re a tseba re ka kgonago bala temana, eupša Modimo o swanetše go utolla kgwekgwe. Le a bona? Re ka kgonago tšea temana, eupša Modimo o swanetše go utolla kgwekgwe. Gomme ge le sa bula bjale ka Pukung ya Jeremia, 2 tema.

<sup>23</sup> Ke rata gore ke thabile go ba, le rena, Ngwanešu Lee Vayle, ngwanešu yo bohlokwa Moreneng. Gomme ke nagana gore mo, ngwanešu mo, ga ke kgone go nagana leina la gagwe, Ngwanešu Willard Crase. Gomme ke bone banešu go tšwa Arkansas, Ngwanešu John le bona, go tšwa tikologong ya Poplar Bluff, le Ngwanešu Blair. Gomme, oo, Ngwanešu Jackson, le Ngwanešu Ruddell, gomme le ba bantšhi bao nka—nka no se kgone . . . Ke duma gore nka kgonago bitša leina le yo mongwe le yo mongwe, eupša ke no se kgone go se dira, gomme le a kwišiša. Ngwanešu Ben Bryant, ke a mmona o dutše mo; ka mehla ke sekhutlo sa amene yaka ge ke sa le . . . Yo mongwe le yo mongwe o tseba Ben ka lentšu la gagwe. Uh-huh.

<sup>24</sup> Rena, re dutše ka California nako ye nngwe, ke be ke rerela batho ba Baptist Molaetša godimo ka moeding. Ba be ba na le tente ye kgolo fao, gomme go na le bontšhi bja mohuta wa Mabaptist a maemo. Ga se nke ke kgonago kwa “amene” go tšwa le ge eka ba kae; le a tseba, ke boifa ba bangwe ba basadi ba robile pente godimo ga difahlego tša bona. Gomme ka gona, selo sa pele le a tseba, ke bone para ya maoto e ka ba tsela *yela*, e eya godimo moyeng, le diatla tše pedi tše kgolo, le moriri wo moso o šišinyega fao, a goelela, “Amene,” a goelela ka tsela yeo. Gomme ke ile ka lebelela fase, gomme ka re, “Ben, na o tšwa kae?” O be ka nnete a hweditše “amene.”

<sup>25</sup> Ke bona mohumagadi wa gagwe o a mo okamela, gannyane. Go lokile, o lahlegelwa ga nnyane ke moriri wola wo moso, eupša seo se lokile, le a tseba. O seke wa tshwenyega ka seo. Ke dirile, waka, nako ye telele ya go feta.

Ka fao, bjale, le seke la lebala go rapela.

<sup>26</sup> Bjale ge re e ya go karolo ya go hlokofolela ya tirelo, elelwang, ge re bala Lentšu le, gona Modimo o tla šegofatša Lentšu la Gagwe. “Le ka seke la boela go Yena le se la swara selo, eupša Le tla phethagatša seo Le bego le rometšwe sona.” Gomme ke a tseba, ge ke bala Lentšu, ka mehla ke tla no dula ke nepile. Ge ke bala Lentšu, Modimo o tla hlompha Lentšu la Gagwe.

27 Bjale a nke re emeleleng go hlompheg Lentšu la Gagwe. Jeremia, 2 tema, ya 12 le 13 ditemana tša Jeremia 2.

*Tlabegang, O...magodimo, ka se, gomme le boife kudu, gomme le be ba ba tšhogilego, go rialo Morena.*

*Ka gore batho ba ka ba dirile masinyi a mabedi; ba tlogetše nna mothopo wa meetse a a phelago, gomme ba ikepela didibana, didibana tša go gopoa, tšeo di sa kgonego...kgonego go swara meetse.*

A re kobeng dihlogo tša rena bjale.

28 Morategi Modimo, Lentšu la Gago le badilwe. Gomme re a rapela gore O tla hlompha Lentšu leo gomme o tla re fa bošegong bjo seswantšho goba papelo ya Lona; bjalo ka ge re lebelela go matšatši ao a fetilego, Israele, bjalo ka mohlala, bjalo ka ge Beibele e re ruta gore re ka kgona go bona seo O se dirilego go bona ge ba be ba obamela Lentšu, go bona seo O se dirilego go bona ge ba be ba sa obamele Lentšu, gomme re ithute seo re swanetšego go se dira. Ka fao, re a rapela gore O tla bolela le rena bošegong bjo ka tsela ye e ikgethago, gore re tle re tsebe ka fao re ka itshwarago ka borena mo letšatšing le, leo re ithutilego mosong wo gore re phela ka go lona. Ka gore re se kgopela ka Leina la Jesu. Amene.

Le ka dudišega.

29 Ke nyaka go bolela bošego ka thuto, feela ya—ya seripana nako ka: *Didibana tša Maitirelo.*

30 Israele e dirile masinyi a mabedi a magolo. Modimo o rile ba tlogetše Yena, Mothopo wa Bophelo, gomme ba ikepetše ka bo bona didibana gore ba nwe go tšona. Bjale, seo ke se sengwe.

31 Lebaka leo ke nagannego ka hlogotaba ye e bile ka lebaka la gore e tla kitima go bapela le seo ke bego ke se bolela mosong wo, sa iri yeo re phelago ka go yona, gomme le Seo re se phegelelago.

32 Gomme re lebelela Israele bjalo ka mohlala, gore, seo Modimo a bego a le sona, O swanetše ka mehla go dula a swana. Gomme go na le selo se tee feela seo Modimo a dulago a se hlompha, seo e bile, tsela ya Gagwe yeo a ilego a efa batho ba Gagwe. Gomme ge ba be ba tšwetše ntle ga tsela, ka gona Modimo o be a hlompholotšwe, gomme Modimo o be a dira batho gore ba tlaišegele go tšwa go seo A bego a ba boditše gore ba se dire, go sa kgathalege gore e be e le eng.

O ile a be a ba fa le molao, “Le seke la kgwatha, le seke la swara, le seke la latswa.” E sego feela ka baka la sebe sa go se dira, eupša bobbe bja go se obamele seo A rilego ba se dire. Gomme ka mehla ga go kgonege go ba le molao ntle le kotlo ya molao. Ka baka la gore, ge go se na le kotlo, gona, molao ga o na le selo go wona ntle le ge o na le kotlo. Molao!

33 Bjale, re hwetša, gore seo ba se dirile letšatši leo se bonala se bapela le se re se dirago lehono, seo batho ba kereke ba se dirago.

34 Bjale re bona selo se se sego sa tlwaelega mo. E ka no ba selo se se sego sa tlwaelega go batho ba bangwe, ge A rile, “Le a dirile, ba dirile, be ikepetše tša bona didibana, didibana tša go gopa.” Bjale, mohlomongwe ba bangwe ba lena ga ba tsebe gore sedibana ke eng. Ke ba bakae ba ba tsebago gore sedibana ke eng? Go lokile, bontšhi ka moka ga lena. Ge e ba o godišeditšwe polaseng, o tseba gore sedibana ke eng. Ke a gopola ke nwele dithokga tša go lekanela go tšwa go setee, go—go tseba gore se—se sedibana e be e le eng.

Ke rerile ka ntle ka nageng fao, ka gare ga poratšhe ya go dikologa, fao o bego o e ba le moeta wo mogolo o tletše meetse a sedibana o dutše fao, go tšwa go—go pula, le a tseba, gomme o be ka mokgwa wo mongwe o na le bokgale gannyane. Gomme—gomme ka gona dithokga, ka nako ya bošego, di be di kena ka go wona. Gomme ka fao ke tseba seo meetse a sedibana a lego sona.

35 Se—se sedibana ke—ke lefelo, selo se se epilwego fase, go tšea lefelo la sediba. Fao batho ba se nago sediba, ka gona ba hwetša se—se sedibana. Ka mantšu a mangwe, sedibana ke tanka ya madirwa-ke monna goba sediba sa madirwa-ke monna ka mo mobung, seo monna a se epago, go swara meetse, go—go a šomiša. Ba bangwe ba bona ba a šomiša go ba meetse a go hlapa, gomme ba bangwe ba a šomiša go ba meetse a go nwewa, le ditsela tša go fapana, mohlomongwe. Ka moka meetse a nako ye nngwe, ao re bego re a hwetša, a be a le ka sedibaneng. Re be re na le selo sa kgale seo o bego o swanetše go se dikološa, go rarele, go rarela, go rarela, go rarela, go tliša meetse godimo; go na le diemerana tše nnyane godimo ga yona, go pampella meetse ka ntle ga sedibana.

36 Go lokile, re lemoga selo se setee ka sedibana seo se fapanago le sediba. Bjale, sedibana se a gopa. Se—se—se sedibana ga se kgone go itlatša ka bosona. Sona se—se. . . Sona ga se tshephege. O ka se kgona go ithekga ka sedibana. Se swanetše go ithekga le go itshama godimo ga dipula tšeo di nago selemo goba marega, e ka ba eng goba eng e ka. . . Ka mehla, nakong ya marega ge lehlwa le pula di etla, gona di edišetša meetse go tloga go ya ka sedibaneng. Gomme ge se sa hwetše meetse ao, gona wena—wena ga o na le le ge e ka ba meetse. Sona ka moka se—sona ka moka. . . se omile. Gomme ga se kgone go itlatša gape ka bosona. Sedibana sa kgale ga se kgone go itlatša gape ka bosona. Se hwetša go tlala ga sona go tšwa go—go dipula tše di nago.

37 Gomme ke nyaka le lemoga selo se sengwe gape ka sedibana. Ka mehla, le hwetša, goba tsela yeo se bego se le ka

gona lefelong la gešu, sedibana. . . Ka mehla ntlopolokelo ya polasa e ka ba bogolo ga bedi bja ntlo, gomme ka mehla ba edišetša meetse go tloga go ntlopolokelo, go ya sedibaneng. Ke gopola sedibana sa sediba sa kgale ntle kua, ge a be a ne le. . . ge di—di diphaephe tša go tloša meetse tšeo di bego di kitimela ka go sona, le tšona, go tloga go ntlopolokelo. Se tlatšwa go tšwa go ntlopolokelo.

Ka fao ka gona meetse a rwalwa go tšwa hlakeng ya ntlopolokelo; fao, ka moka diphoofolo di gatago go dikologa go tšwa jarateng ya lešaka, gomme ka moka tšhila ya jarata ya ntlopolokelo e dula godimo ga ntlopolokelo, nakong tša komelelo. Gomme ka gona meetse a atla gomme a e hlatswetša fase go tšwa hlakeng, go ya ka legopong la madirwa-ke monna, go ya ka mojabobeding wa madirwa-ke monna, ka gona go ya ka sedibaneng sa madirwa-ke monna. Gomme ge e ba ga o na le tlhakahlakano, ga ke tsebe gore o na le eng, ge o na le sedibana. Eye, mohlomphegi! Sona ka moka ke madirwa-ke monna, gomme se no ba ditšhila ka mo se ka kgonago goba.

<sup>38</sup> Le a tseba, re be re bitša. . . Re be re na le lešela la go hlotla godimo ga se sengwe. A le be le tseba gore seo e be e le eng? Re be re swanelwa ke go bea lešela la go hlotla godimo ga sona, go swara dithokga ka moka le dilo tšeo di bego di etšwa godimo ga—ga ntlopolokelo, le ka moka tikologong ya lefelo, gomme di tšhologela ntle go tšwa lefelong le tee go ya go le lengwe, go ya ka sedibaneng. Gomme re be re bea la—la go hlotla lešela godimo ga sona, go swara ka moka di—di dikuduudu le dilo tšeo re bego re ka di kgona. Therešo, le be le ka se sware tšhila ya mmakgonthe, le be le no swara dilabi tše kgolo tšeo di tlogo fase gomme tša wela ka go sona. Thokga e ka no wela ka go lona, eupša mohlodi wa thokga o ya pele le meetse. Ka fao, o—o tloge ka nnete o be o na le tlhakahlakano ge o be o na le sedibana sa ditšhila sa kgale.

<sup>39</sup> Matšatšing a se makae, dumelela meetse a eme fao, gomme a tla go ba magakwa. Dumelela meetse a eme ka sedibaneng, a ba magakwa. Gomme a tla go tlala ka—ka digwegwe, le mekgaditswane, le dinoga. Gomme re be re se bitša “dinyokanyokiša-meselana,” tše nnyane dintotsolana. . . ga ke tsebe ge e ba. . . Ga se diphelaka tše dingwe, tšona ke. . . ga ke kgone, ga ke tsebe gore le di bitša eng. Eupša selo se sennyane se tsena ka meetseng, seo—seo re bego re se bitša dinyokanyokiša-meselana. Le tseba se e lego sona. Ke ba bakae ba ba tsebago se ke bofelago ka sona? Oo, ka baka la eng, nnete, ka moka setšhaba sa naga le a tseba. Se dire ka moka se tlale magakwa, gomme ka gona barati ba magakwa ba tla le wona. Gabotse se a tla, ka baka la gore a gakilwe. Gomme ka baka la gore a gakilwe, a gogela phoofolo fao yeo e ratago dilo tše di gakilwego.



40 Gomme seo ke ka moka bontšhi go swana le dikereke tša rena lehono. Ke nagana gore re tlogetše. . . Se sengwe sa dibe tše kgolo seo kereke e se dirilego lehono, go swana le Israele nako yela, e tlogetše Yena, Mothopo wa Meetse ao a phelago, gomme ba ikepetše ka bobona didibana tša madirwa-ke monna. Gomme e tlile ya ba bodulo bja se sengwe le se sengwe seo se ratago mohuta woo wa meetse. Mekgaditswane, digwegwe, le mehuta ka moka ya ditwatši tša go se hlweke, di dulago ka go wona, ka baka la gore ke tanka ya madirwa-ke monna. Gomme ka mo tankeng ye dilo tše di a dula, mohlala wa go phethagala wa dikereke tša maina tša rena lehono.

41 “Bjale,” le re, “Ngwanešu Branham, ke ka baka la eng o itia batho bao ga kudu ka tsela ye?”

E swanetše e itiwe. E swanetše e itiwe. E tšhabeng, ka baka la gore mafelelong e ya go dira leswao la sebata. Elelwang, seo ke Therešo! E tla ba leswao la sebata. Kereke ya leina e tla hlahlala thwi go lona. E mo tseleng ya yona thwi fao bjale, go gapeletša, ka maatla.

42 Lebelelang ka mmušong wa Roma wa kgale. Seo tlwa ke seo se ba gogetšego go leswao lela la go tlogela tumelo. Le hweditše gore ga go na le motho yo a kago go kgona go reka goba go rekiša ntle le leswao la sebata. O be a swanetše go ba le lona.

43 Go na le feela mehuta ye mebedi ya batho e tlogo go ba lefaseng; bao ba nago le Setswalelo sa Modimo, le bao ba nago le leswao la sebata. Mehuta ye mebedi feela, ka fao o swanetše goba le letee goba le lengwe. E tla ba go gana tumelo, le—le leswao la—la bodumedi, tlogelo ya bodumedi.

44 Gomme se ya go ba le seswantšho sa sebata. Bjalo ka ge re ithutile, re hwetša gore Roma e be e le gona, e gona, gomme ka mehla e tla ba gona, les- . . . goba, sebata. Tlwa. Ga go na le tsela ya go e hwetša le ge e ka ba eng gape. Roma!

45 Gomme na Roma e dirile eng? E fetogile go tšwa go Roma ya bohetene go ya go Roma ya mopapa, le go beakanya lenaneo, lenaneo la legohle, leo le gapeletšago yo mongwe le yo mongwe go bodumedi bjo botee goba go bewa lehung.

46 Gomme ke selo sa go se tlwaelege gore United States ye e tšwelela tiragalong, gomme e swana le kwana. Gomme kwana e na le dinaka tše pedi tše nnyane, tokelo ya bodumedi le ya bosetšhaba. Gomme ka morago ga nako, ge e be e sale kwana, re hwetša gore e be e bolela bjalo ka terakone gomme e diriša ka moka maatla ao terakone e bego e na le wona pele ga yona. Gomme Beibele e re botša gore ba ile ba re, “A re direleng sebata seswantšho.” Seswantšho ke selo se sengwe se se swanago le se sengwe gape. Gomme re kgona go se bona thwi bjale gore, leemong la yona la go gana tumelo, kereke e hlomile Lekgotla la Dikereke la Lefase, leo e logo seswantšho

go maatla a Roma; gomme se tla gapeletša godimo ga batho selo se se swanago seo Roma ya bohetene e se dirilego. . . goba Roma ya bomopapa e se dirilego. Ka fao, ga go tsela ye nngwe, ga go selo se sengwe. Eupša seo ke Therešo.

<sup>47</sup> Gomme ke ka tsela yeo ke e itiago ka mo lebakeng laka, ka nakong yaka, ka baka la gore e swanetše go itiwa. Pitšo e tlile ka gare, gore, “Etšwang ka gare ga gagwe, batho Baka, gore le seke la ba batšekarolo ba dibe tša gagwe!”

<sup>48</sup> Bjale, ke swantšha seo le tše tša ditšhila, tša go se hlweke didibana. “Yena ke Mothopo wa Bophelo. Yena ke Meetse a a phelago.” Monna o tlogela Seo, gomme ba ikepela ka bobona didibana tšeo dikgonago feela go swara tšhila. Seo ke selo se nnoši se kgonago go se swara. Gomme seo ke seo bokereki bja maina bo se dirago; bo swara se sengwe le se sengwe seo se tlogo mmogo gomme se nyaka go tšoen. Ba rata go e tšea ge ba e na le tšhelete goba e kgona go apara ka tsela ye e itšego. Ga go kgathalege gore ke bona bo mang, fao ba tšwago gona, ba a ba tšea, go le bjalo.

<sup>49</sup> Bjale re a hwetša, gape, gore, leswao le la sebata leo la go hlangwa mo. Amerika, ke, nomoro ya lesometharo. E tswetšwe le dikolone tše lesometharo. E bile le folaga yeo e bilego le dinaledi tše lesometharo, methalo ye lesometharo. Gomme le bile e tšwelela ka go Kutollo 13 tema. Gomme Amerika ka mehle e bile mosadi, a emelwa godimo ga tšhelete ya rena ya tshipi. Le hlogo ya Moindia, godimo ga pene, ke ponagalo ya mosadi. Re tseba seo, re tseba histori ya yona. Se sengwe le se sengwe, Pele ya Tokologo, le se sengwe le se sengwe gape, tokologo. . . Sehlwaseeme sa Tokologo ke, se sengwe le se sengwe, mosadi. Mosadi; nomoro ya lesometharo. Le a bona? Bjale, ke—ke mo go botse go bona dilo tšeo.

<sup>50</sup> Gomme bjale ke bolelletše pele ka kutollo go tšwa go Modimo, goba pono ka 1933, gore dilo tše šupa di be di tla direga pele ga nako ya bofelo. Gomme gore, e tee ya tšona, gore, “Mussolini,” yoo nakong yeo a bego a e ba mmušanoši, “o be a tla ba mmušanoši. Gomme, gape, o be a tla dira tlhaselo gomme a ya tlase Ethiopia, gomme o be a tla tšea Ethiopia. Gomme Moya, O rile, ‘Yena o tla wela kगतong ya gagwe.’”

<sup>51</sup> Ke a makala ge e ba go na le yo mongwe wa batšofadi ba kgale a sa šetšego ka tabarenekeleng, le elelwa nna ke e bolela ka Holong ya Redman tlase mo ge re be re rera, ye mentšhi, ntšhi ya go feta mengwaga. A go na le yo motee ka moagong, bošegong bjo, yo a sa šetšego go tšwa tlase kua ka Holong ya kgale ya Redman ge ke be ke rera seo, ge ba be ba na le N.R.A. ntle, tsela morago nakong ya lekga la pele la Roosevelt? Ke a thanka ga go na le le yo motee ka mo. A go na le yo motee? Ya, ya, o motee, o motee šole. Eye,

Mdi. Wilson, ke a mo gopola. Waka mohumagadi, o dutše ka morago. Ba babedi ba šetše, go tšwa lelokong la kgale ba bao ka letšatšing leo.

Seo, ge ba rile N.R.A. ye e be e le leswao la sebata, ke ile ka re, “Ga go selo go yona; le ga tee. Leswao la sebata ga le tle mo. Le tla go tšwa Roma. Gomme e ka se kgone go ba leswao la sebata.”

<sup>52</sup> Gomme bjale elelwang gore dilo tše di boletšwe. Ka re “Adolph Hitler o tla tla mafelelong ka mokgwa wa sephiri. Gomme o tla hlakiša ntwā kgahlanong le United States. Gomme ba be tla aga se segolo—se—se segolo sa khonkhoriti selo, se ba bego ba tla be ba dula ka go sona. Gomme thwi fao Maamerika ba be ba tla tšea titiwo ya go befa, go seo.” Gomme seo e be e le llaene ya Siegfried, mengwaga ye lesometee pele e be e ka thongwa go agwa. Gomme nako yeo ka re, “Eupša o tla tla bofelong; gomme States e be e tla fenyā ntwā.”

<sup>53</sup> Gomme nako yeo ke rile, ka re, “Go na le di ism tše tharo; Nazism, fascism, le communism.” Gomme ka re, “Ka moka di tla tatologela ka go communism. Russia e tla e tšea ka moka, ka bokomonisi.”

<sup>54</sup> Gomme ka re, “Ka gona seantshe e ya go ba ye kgolo kudu, monna o ya go ba yo mokaone kudu, go fihla a utolla ka bohlae dilo tše ntšhi kudu go fihla ge a e ya go dira mmotoro o o swanago le lee, wo o tla bago sa go swana le bogodimo bja galase godimo ga wona, gomme o tla laolwa ka maatla a mangwe ntle le seterebelo.” Gomme ba na le koloi yeo.

<sup>55</sup> Gomme ka re, “Maitshwaro a basadi ba rena a ya go wa ka dilo tša go nyatšega kudu, go fihla ge ba e ya go ba dihlong go ditšhaba ka moka. Ba ya go apara diaparo tša banna. Ba ya go tšwelapele ba apola diaparo tša bona go fihla gabotse ba etla fase go swana le ge o ka re ba apere diaparo tša bona tša ka fase, seo ke ka moka. Gomme, mafelelong ba tla go apara feela letlakala la mogo.”

Gomme ge o ka ela hloko, ka go kgatišobaka ya *Life* ya kgwedi ya go feta, ba bile le mosadi yo a bego a apere matlakala a mogo. Gomme yeo ke ye mpsha ya bošego roko, goba kaone, yeo ba e aparago bošego; ya go bonatša dikagare, o kgona go bona go e putla, ke feela letlakala la mogo le no uta lefelo le le itšego la mmele; ka methalatšana, goba mantiana, sutwana ya go tlemollwa mebjā ya go thutha, bogodimo bja yona, mmele wa go pealatšwa. Gomme le ka fao dilo tšeo tša go direga!

<sup>56</sup> Nakong yeo ka re, “Ke bone mosadi a emelela ka United States, bjalo ka kgošigadi ye kgolo goba se sengwe. Gomme o be a le botse ge a lebelelwa, eupša e le yo mobe ka pelong ya gagwe. Gomme o ile a dira setšhaba legato, go ya ka kgato ya gagwe.”

57 Nako yeo ka re, “Mafelelong, O ile a mpotša gore ke lebelele morago Bohlabela gape. Gomme, ge ke dirile, ka bona, sa go lebelelega, bjalo ka ge go be go ka re, lefase le be le thuntše. Gomme bokgole bjoo ke bego ke kgona go bona, go be go se selo eupša diphata, le—le maswika ao a bego a phesugile a bego a thunyeditšwe ka godimo go tšwela ka ntle ga lefase.”

Gomme tše di be di tla direga pele ga bofelo bja lefase. Gomme tše hlano tša tše šupa di šetše di diregile, ka mengwaga ye masometharo-tharo. Fao re gona, morago go nako ya bofelo!

58 Gomme ke ile ka bolela kgahlanong le tshepidišo yela ya bokereki bja maina thwi nakong yeo. Gomme le bjale ke sa dumela, bošegong bjo, gore ke mogobe wa tooti, gore ke lefelo fao tšhila e elelago ka gona. Ga ke kgone go dumela gore Modimo a ka tsoga a tšea selo se sebjalo ka Kerekeng ya Gagwe, ka baka la gore e swanetše go tswalwa ka Moya wa Modimo gomme e hlwekišwe pele e ka kgona go bitšwa ya Gagwe. Mmele wa sephiri wa Kriste, re kolobeletšwa ka go Wona ka kolobetšo ya Moya wo Mokgethwa.

59 Eye, lenaneo tshepdišo la sedibana se ka nnete ke mohlala wa go phethagala wa kereke ya leina. Monna yo bohlale o swanetše go lebelela, gomme a seke a tsoge a ya ka go yona, ka gore Modimo o netefaditše go kgabola mabaka gore O kgahlanong le yona gomme ga se a ke a tsoge a šoma le yona. Sehlopha se sengwe le se sengwe... Nako e fe goba e fe ge monna a tsogela godimo ka molaetša, go swana le Luther, Wesley, goba go ya pele, le Smith, le Calvin, le bona; ge ba thomile mokgatlo, Modimo o be a bea selo seo šelefong gomme a se tsoge a se etetše gape ka tsošetšo.

60 Lebelelang go kgabola histori. Ga se gwa ke gwa ba nako yeo Modimo a kilego a tšea kereke ya leina, gomme a dira tsošetšo go tšwa ka go yona, ga go gona. Ka gona, go kgabola histori le ka Beibele, e kgonthiša gore ke selo sa ditšhila mahlong a Modimo, ka fao ga ke nyake selo go dira le yona. Gomme ke ka baka leo ke lego kgahlanong le yona. Ke leka go ntšha batho go tšwa go yona.

61 Re a laletšwa, bjalo ka Israele, ka fao ke bjale, go lebelela go Israele bjalo ka mohlala. Bona, ge feela ba be ba dula le Mothopo wola, ba be ka moka ba le gabotse. Eupša ge ba fihlile fao ba ikepetšego didibana ka bobona, ditshepedišo tša madirwa-ke monna, ka gona Modimo o ile a ba tlogela thwi. O tla re dira ka mo go swanago. “Ba tlogetše Yena, Mothopo wa Meetse a a phelago.” Yeo e be e le dipelaelo tšeo Modimo a bego a na le tšona kgahlanong le bona. “Go dira se sengwe seo ba bego ba ka kgona gore, ‘Le a bona seo re se dirilego!’”

62 Bjale, ge ka nakong ya—ya go sepela ga Moshe; ge Modimo, ka mogau, a ile a ba fa moporofeta, a ile a ba fa Pilara ya

Mollo, go sepela pele ga bona, o ile a E hlatsela ka dika le mehlolo. Mogau o ile wa fa dilo tše ka moka. Israele e be e sa no nyaka, bona molao. Ba ile ba gana mogau, go tšea molao.

Ke seo tlwa seo batho ba se dirago lehono. Ba gana Lentšu, gore ba tšee tshepedišo ya bokereki bja maina, ka gore ka fao ba tla kgona go dira seo ba se nyakago gomme ba feta ka sona. Eupša o ka se kgone go se dira ka go Kriste! O swanetše go tla o hlwekile le bile o kwagala, gore o be ka go Kriste.

<sup>63</sup> Ba tlogela sediba sa go pumpunyega, ka baka la tshepedišo ya madirwa-ke monna goba sedibana, a o ka eleletša yo mongwe a dira seo? A o ka eleletša maemo a monagano a motho yo a kgonago go nwa sedibeng se se phophomago se seswa, gomme a tlogela seo a ela sedibana sa madirwa-ke monna sa go ba le digwegwe, le mekgaditswane, le dinyokanyokiša-meselana, le se sengwe le se sengwe gape ka go sona?

Ga e bonale le bile e na le kgopolo go ba ya therešo, eupša seo e no ba tlwa seo batho ba se dirilego. Ba tlogetše Lentšu, Mothopo wa nnete wa motswedi wa Maatla a Modimo, go nwa go tšwa sedibaneng, gomme ba itirela ka bobona didibana. Go swana le ka mo ba dirilego nakong yeo, ba se dirile bjale. Ba re. . .

O rile, “Ba tlogetše Nna.” Mo O rile, ka mo go Jeremia 2:14, goba 13, ke tla re. O rile, “Ba tlogetše Nna, Mothopo wa Meetse a a phelago.”

<sup>64</sup> Bjale, re bona seo sedibana se lego sona. Re bona tšeo se di swarago. Re bona ka fao se dirilwego ka gona. Ke selo sa madirwa ke monna seo se tlogo go tšwa hlakeng. Meetse ao a welago fase, a itia godimo ga hlaka ya ditšhila, gomme a no hlatswa hlaka go tloga, gomme a bewa fase go putla moselana wa madirwa-ke monna, go putla mojabedi wa madirwa-ke monna, go ya ka gare ga tanka ya madirwa-ke monna. Gomme ka moka tšhila e kgobokana ka fao, gomme di—di ditwatši, le mekgaditswane, le digwegwe, le dilo tša naga, ka tsela yeo. Gomme, e la hloko, ke diphoofolo tše di sego tša hlweka; dinyokanyokiša-meselana, magakwa. Senyokanyokišamoselana ga se kgone go dula meetseng a go hlweka. Ge se ka dira, a tla se bolaya. Se swanetše go ba ka gare ga magakwa.

<sup>65</sup> Gomme ke ka tsela yeo go lego ka gona ka tše ntšhi tša dinwamadi tše lehono. Le ka se kgone go phela ka meetseng a maswa a Moya wo Mokgethwa. Ke ka baka leo ba lego kgahlanong le Lentšu ntle le go šišinyega, gomme ba re, “Le ikganetša ka Bolona. Ga go selo go Lona.” Ke ka baka la gore ba na le mohuta wa mogobe wa magakwa go nyokanyoka ka go wona. Therešo.

Yeo ke tsela ye e swanago e lego ka gona le digwegwe, le mekgaditswane, le dikolopisane, le tše bjalo ka tšeo. Di swanetše go hwetša kgauswi le serorobja goba mogobe wa

magakwa, gore di phele, ka gore ke tlhago ya tšona go phela fao. Gomme o ka se fetole phoofolo go fihlela o fetola tlhago ya yona.

Gomme o ka se kgone go dira monna gore a bone Lentšu la Modimo go fihla ge tlhago ya gagwe e tla be e fetotšwe; gomme ge tlhago ya gagwe e fetotšwe go tšwa go seo a lego sona, go ya go morwa wa Modimo, gomme Moya wo Mokgethwa o tla ka go yena. Moya wo Mokgethwa o ngwadile Lentšu la Modimo!

<sup>66</sup> Lehono ke be ke bolela le mogwera waka wa go loka, Ngaka Lee Vayle, yo a lego gona bjale. Gomme ke moithutela modimo wa nnete, gomme ka fao ka mehla re ba le tše—tše botse kudu dipoledišano ka ga Lengwalo. Yo mokaone kudu.

Gomme o ile a mpotšiša nako ye nngwe ka seo ke bego ke se nagana ka bohlatse bja mathomo bja Moya wo Mokgethwa, “A e be e le go bolela ka maleme?” E bile mengwaga ya mentšhi ya go feta.

Ka re, “Aowa; ga ke kgone go bona seo.”

A re, “Le nna ga ke kgone,” a re, “le ge ke rutilwe seo.” O ile a re, “A o nagana gore bohlatse e ka eng?”

<sup>67</sup> Ka re, “Bohlatse bja go phethagala bjo nka kgonago go bo gopola ke lerato.” Ka fao ra ya go bolela ka seo.

Gomme ka gona ka gopola gore se kwagetše gabotse kudu ka fao ka swarelela seo, “Ge monna a na le lerato.”

Eupša letšatši le lengwe Morena, ka ponong, a nktlollela ntle. Gomme A re, yeo, “Bohlatse bja Moya e be e le bao ba kgonago go amogela Lentšu,” e sego lerato, le ge e le go bolela ka maleme, eupša go amogela Lentšu.

<sup>68</sup> Gomme ka gona Ngaka Vayle ke ge a be a re go nna, gore, “Seo ke Mangwalo,” a re, “ka baka la gore, ka go Johanne 14, Jesu o rile, ‘Ge Yena Moya wo Mokgethwa a etla godimo ga lena, O tla utolla dilo tše go lena, tšeo Ke le rutilego, gomme o tla le laetša dilo tšeo di tlogo.’”

Ka fao go na le bohlatse bja mmakgonthe bja Moya wo Mokgethwa! Ga se A ke a mpotša se sengwe se se phošagetšego le bjale. Gore, “Ke bohlatse bja Moya wo Mokgethwa, ke gore yo a kgonago go dumela Lentšu.” O ka kgona go O amogela.

Ka baka la gore, Jesu ga se a ke a re, “Ge Moya wo Mokgethwa o tlile, le tla bolela ka maleme.” Ga se A ke a re, Moya wo Mokgethwa ge o tlile, le tla dira se sengwe sa dilo tšeo. Eupša O rile, “O tla tšea dilo tše Tšaka gomme a le laetša tšona, gomme o tla le laetša dilo tšeo di tlogo go tla.” Ka fao go na le bohlatse bja mmakgonthe bja Moya wo Mokgethwa, go ya ka Jesu ka Boyena.

<sup>69</sup> Ka fao ka moka maikutlo a le dilo tšeo batho ba nago natšo le gona ba sa phela ka tšona, o kgone go bona gore ke ka baka

la eng ba di dira. Le a bona, e ba kereke ya leina, goba mogobe wa magakwa, gomme go ka se be kereke ya leina e dirilwego godimo ga bos- . . . Lentšu la Modimo le le phethagetšego. E ka se kgone go se dira, ka baka la gore o ka se kgone go hlaola goba go dira Modimo kereke ya leina. Aowa, mohlomphegi!

<sup>70</sup> Lebaka leo e lego lona, le hwetša sehlopha sa monna yo a kgonago go dumela Lentšu, ba tlogele ba thome mokgatlo. Selo sa pele le a tseba, mo lebakeng la ngwaga go na le sehlopha sa Boriki ka fao bao o ka se dirego selo ka bona. Ba ngaparetše, gomme o ka se kgone go dira selo ka yona. Ga se tshepedišo ya Modimo. Ga se yona, ka fao re a tseba gore selo se se tšwele. E tla go ba sedibana, gomme e tla lefelong moo yo mongwe le yo mongwe a khomphoromaesago ka *se*, *seo* goba se *sengwe*, go hwetša maloko ka fao, goba go dira gore batho ba tle ka gare.

<sup>71</sup> Re hwetša ntle, tshepedišo ye e thomile nako ye nngwe, morago ka matsatšing a Baisraele, ge ba be ba epa didibana tše. Gomme go be go na le monna le sehlopha sa Bafarasei bao ba bego ba epile didibana. Gomme ba be ba na le monna yo a bego a bitšwa Herod, gomme e be e le mmegi, mmušiši wa naga.

Gomme o ile a tla tlase go kwa monna yo a bego a sa gereme le dikereke tša bona tša maina. E be e le moporofeta. Gomme ga go moporofeta yo a kilego a ba le ge e ka ba eng go dira le kereke ya leina, eupša go e hloya. Moporofeta yo o thoma gore, “Le seke la thoma go bolela bokagare bja lena beng, ‘Re na le Abraham tatawešu,’ ka baka la gore Ke a le botša Modimo o kgona go tsošetša Abraham bana go tšwa maswikeng a.”

<sup>72</sup> Gomme ba be ba tlišitše mohlomphegi go mo kwa. Gomme mohlomphegi yo o be a tšere mosadi wa ngwanabo go tloga go yena, gomme a mo nyetše. Gomme na monna yoo o ile a sepelela sefahlegong sa gagwe gomme a reng? Ba be ba gopola gore o tla khomphoromaesa, gomme a re, “Bjale, mohlomphegi, e ba, e ba le setulo se sebotse ka *mo*. Gomme o swanetše go . . . ke thabile kudu o mo go nkwa lehono.”

Johanne o ile a no sepelela godimo sefahlegong sa gagwe, gomme a re, “Ga se molao go wena gore o be le yena.” Sona selo sa pele a se boletšego o rile, o mo kgakgamolletše ntle ka baka la sebe sa gagwe.

<sup>73</sup> Le a bona, dikereke tša maina di dira megobe ya magakwa fao monna a kgonago go dula le basadi, gomme bona basadi ba kgona go tšwela pele, gomme ba ripe meriri ya bona, gomme ba apare mafonokana, le se sengwe le se sengwe gape, gomme ba ipitša ka bobona go ba Bakriste.

Eupša Mothopo wa mmakgonthe, haleluya, wa Maatla a Modimo, o ka se kgone go dula fao, ka baka la gore O e kgoromeletša ntle. “Ke Nna Mothopo wa Meetse a a phelago. Ba tlogetše Nna, ba ikepela ka bobona didibana.”

<sup>74</sup> Bjale, mothopo wa meetse a a phelago, re hwetša gore, ke eng mothopo wa meetse ao a phelago? Re hwetša gore sedibana ke eng, bjale ke eng mothopo wa meetse a a phelago? Ke sediba sa go pumpunyega.

“Sediba sa go pompunyega, ke eng seo, Ngwanešu Branham?”

Ke sediba seo ka mehla se tšwago ka fase gomme se kgoromeletša meetse a sona ka ntle. Se ela nako ka moka. Se iphepa ka bo sona. Ka mehla ke se seswa gomme se hlwekile, sediba sa go pumpunyega, mothopo wa meetse a go phela. Ga se wa hwa le go ba magakwa. O a phela, o fetoga kgafetšakgafetša, o tliša godimo se sengwe se seswa nako ka moka, a sepelela godimo, go tšwa motsweding. O goga metswedi ya wona go tšwa—go tšwa go la wona leswika, e lego. . . e sa le mothopo wa meetse a a phelago a gašetša godimo. O itlhwekiša ka bowona; o hlwekile, o hlatswegile, meetse a go hlweka. O iphepa ka-bowona; ga wa swanela go letela dipula go tlatša tanka ya wona. Ka mehla o phophomela godimo, o fa meetse a wona ka tokologo. Ga wa swanela go o pompa, go o retolla, go o dikološa, goba go o kgomaganya. E no ba mothopo wa meetse a a phelago.

<sup>75</sup> Le a tseba, ge le tšea didibana tše tša go tšofala, o swanetše go se dikološa le go se dikološa le go se dikološa, le go pompela se sengwe le se sengwe, go ntšhetša meetse magakwa a manyane a le ka ntle. Huh!

Eupša Mothopo wa Meetse a go phela o A ntšhetša ntle, ka tokologo, ka ntle le go pompa, go tšoena, eng goba eng gape. Oo, ke thabela Mothopo woo! Eye, mohlophegi!

<sup>76</sup> Ga o nyake mohlotlo godimo ga Wona, go ntšhetša dinwamadi ka ntle. Ka gore, O tšwa botebong fase, ka kua gare ga Leswika, go fihla ge go se na le dinwamadi fao.

Ga o wa swanela goba le lešelana la thuto le lekeletše godimo ga Wona, seo ke therešo, tshepedišo ya maitirelo-ya sefefase ya bohlale bja bokereki bja leina bja madirwa-ke monna; go le botša, pele ga ngaka ya monagano, ge e ba o kgona go rera goba aowa. Ga o na le le tee la mašela ao a di tšhila a lekeletše godimo ga Wona. O tla le kgoromeletša thwi go tloga ka pela ge o le bea godimo fao. O ka se kgone go le dira. Sediba seo se phophomela godimo, nako ka moka. Ge o bea le lengwe la mašela godimo ga sona, se le beletša thwi ntle ka lehlakoring le tee goba le lengwe. Ga se na le nako ya lešela la kereke ya leina godimo ga sona.

<sup>77</sup> Ga se nyake mohlotlo, goba sefo, ga go go pompa, ga go go sekamiša, ga go selo se sengwe. Se no ba gona fao, se phophomela godimo. Ga Se a swanela go ithekgga ka dipula tša tikologong go se tlaletša godimo. *Dipula* ke “ditsošetšo,” fao Mothopo woo. . . Seo se Mothopong woo wa Bophelo. “Fao



go lego Setoto, dintšhu di tla kgobokana.” Ga wa swanela go pompella tsošetšo godimo; ga wa swanela go pompella selo godimo. Selo se nnoši o swanetšego go se dira e no ba go tla Mothopong. Ka mehla o tletše a mabotse, a maswa meetse, gomme ga go nale mafelelo go Wona. O no tšwela pele o phophoma.

<sup>78</sup> Ga se la swanela go ya sedibaneng, gomme o re, “Go lokile, ge e ka na gomme ya gogola ntlo ya bobolokelo ya polasa go tloga, re tla ba le se sengwe sa go nwewa.” Le a bona? Nna, nna! E sego se. Sediba se se pumpunegago se tshwela pele a mabotse, a go tonya meetse nako ka moka. O ka kgona go ithekga ka sona. Ga wa swanela gore, “Go lokile, ke tla ya ka kua go se sa kgale sedibana. Re be re enwa go tšwa go sona, eupša ga se ya ke ya na mo nakong ye telele. Ke ya le botša, go ka omelela.”

<sup>79</sup> Yeo ke tsela yeo a mangwe a mananeo a a madirwa-ke monna a lego ka gona. O ka kgona go ya ka gare, ge o na le se sengwe se eya pele, bokgoni bjo bogolo bja go rekiša se sengwe, goba—goba mohuta wo mongwe wa se sengwe se e ya pele, diphathi tše kgolo le dilo di e ya pele, dipapadi tša panko, le diphathi ka thoko ga tsela, le se sengwe le se sengwe, o ka no hwetša ntlo ya go tlala.

Eupša fao le yago go ya fao go lego Mothopo wo o phophomelago godimo, ka mehla, batho ba fao ba hwetša a mabotse, a go tonya a go nwewa meetse. O ka kgona go ithekga ka Wona! Le re, “Ga se ba ke ba e ba le tsošetšo mengwaga ye lesome.” Ge le phela ka Mothopo woo, ka mehla O na le tsošetšo ye e yago pele.

<sup>80</sup> Go swana le yo monnyane monna wa Wales ge a rile. Goba, nako ye nngwe ge ba be ba na le tsošetšo ya Wales e tšwela pele, go be go na le bahlomphegi go tšwa States. Ba bangwe ba bagolo ba Dingaka tša Bokgethwa ba ile ba ya ka kua Wales, go hwetša gore kae le gore ke eng tše ka moka. Ka fao ba be ba apere dikholoro tša bona tša go retologela-go dikologa, le dikefa tša bona tša pholaka, gomme ba be ba sepela go theoga seterata.

Gomme mo go tla lephodisa le lennyane mmogo, le dikološa molangwana wa gago wa kgale ka seatleng sa gagwe, a letša molodi, “Tlase sefapanong fao Mophološi waka a hwilego, tlase kua fao tlhatswego dibeng ke e lletago; fao pelong yaka Madi a tloditšwe, latago go Leina la Gagwe,” a sepela go theoga seterata.

Ka fao ba ile ba re, “Yo o bonagala e le monna wa bodumedi. Re tla ya re mmotšiše.”

Gomme ba ile ba re, “Mohlomphegi!”

A re, “Eye, mohlomphegi?”

A re, “Re mo go tšwa United States. Ke rena baemedi. Re tlile ka kuano mo go nyakišiša tsošetšo ya Wales, yeo e bitšwago. Ke rena Dingaka tša Bokgethwa, gomme re mo go e lebelela.” O rile, “Re nyaka go tseba fao tsošetšo e lego, le fao e swarwago.”

O ile a re, “Mohlomphegi, le fehlile. Ke nna tsošetšo ya Wales.” Amene! “Tsošetšo ya Wales e ka gare ga ka. Ke mo fao e lego gona.”

<sup>81</sup> Ke ka tsela yeo e lego ge o phela ka Mothopo woo wa Meetse a a phelago. O a phela nako ka moka, o phophomela godimo le godimo, le godimo le godimo. Ga go na le mafelelo go Wona. Aowa, “Eya o bone ge e ba meetse a mangwe, ge re bile le pula mo e sego kgale go fetile,” ga se wona. Ke Mothopo woo wa Meetse a a phelago. Bjalo ka ge ke bolela, O fa Meetse a Wona ka tokologo.

<sup>82</sup> Ga o swanelwe gore o bee mašela godimo ga Wona, go hwetša ntle; mašela a thuto, pele ga ge o ka mo romela ntle go ya go rera, le go bona ge eba o peleta mantšu a gagwe ka go nepagala, o a bolela gabotse, ge e ba o šomiša maina le mašalaina, le go ya pele, le mohlathi. Ba bantšhi ba bona ga ba tsebe le gore ke bona eng, eupša a phela Mothopong go no swana, o a bona, go swana.

<sup>83</sup> Ga o swanelwe ke go itshama ka dipula tša tikologo, go o tlatša, goba ditsošetšo tša tikologo, tša wona. Ga o swanelwe ke go dira seo, ka gore Maatla a wona le go hlweka ga wona go ka gare ga wona ka bowona. Fao ke moo Lentšu le lego gona, Maatla a Wona ka Bowona! Ge monna a ka kgona go O amogela ka pelong ya gagwe, O na le go hlweka ga Wona. O na le maatla a Wona. A thwi ka gare ga Lentšu ka Bolona, a tšeletša pele Bophelo.

<sup>84</sup> Israele e be e tloga go tšwa go Wona, ba be ba tsena bothateng. Nako ye nngwe le ye nngwe ge ba tloga go tšwa go Wona, ba be ba tsena bothateng.

Go swana le ge re dira bjale. Ge tsošetšo e tloga go tšwa go Lona, gona ga se gwa loka. E ikepela didiba ka boyona, gomme, goba didibana tša magakwa, gomme ka fao a šeleo le a tloga.

<sup>85</sup> Eupša ka mehla O be a ba thuša. Go popoduma Lewatleng le Lehubedu, ka gona ge ba be ba popoduma. . . Go le bjalo, ka go tšeo ka moka, O be a na le tshephišo, o ba diretše tshephišo. O be a ka be a ba gomišeditše morago thwi fao, tsela yeo re bego re ka e lebelela; eupša O be a tshephišitše go ba tšeela ka kua.

O ile A dira eng? Bona bana ba Israele, O ile a ba fa Pilara ya Mollo le se sengwe le se sengwe, go bonagatša, moporofeta wa bona. Gomme ba ba hlahletše kua go ya lewatleng. Gomme,

ka mehla, go na le bothata kgahlanong le Yona. Gomme fa go tla Farao le madira a gagwe. Gomme a le tseba seo Modimo a se dirilego? O ile a no bula se sehubedu seo, sa magakwa sedibana.

Lewatle la Gohwa ke selo se se hwilego hwihwi mo lefaseng. Le hwile ka nnete. Ke magakwa. Ga go selo se se ka phelago ka go lona.

Gomme O ile a le bula gomme a ba lokolla, ka lehlakoring le lengwe. O ile a ba tšeela fao ba bego ba ka se sa tlangwe ke selo se se bjalo ka seo.

<sup>86</sup> Ka lešokeng, ba hwetša gore ditanka di be di ka se kgona go tšepšha; di be di omile. Ba hwetša, ba tloga go tšwa go molete wo mongwe wa meetse go ya go wo mongwe. Ge ba be ba le ka lešokeng, ba be ba bolawa ke tlala go ya lehung, ka meetse a go nwewa. Gomme ba be eya go ye tanka ka mo, mogobeana; o be o omile. Be ile go le lengwe lefelo; le be le omile. Ba be ba no se nagane gore ba be ba ile go hwetša seno.

Gomme ka gona godimo ga lefelo leo le sa swanelego ka go leganatha ka moka, ba ile ba hwetša meetse. A be a le ka leswikeng. A be a le ka leswikeng. Lefelo la go se swanele kudu gore monna o be a ka hwetša meetse a a itšego, e be e le ka leswikeng le go omelela ka gare ga leganatha. Eupša, le a bona, Modimo o dira dilo ka mokgwa woo. Ka lefelong la go se swanele, ka tsela ye e sego ya mehleng kudu. Ke seo ka mehla re bego re e ba le sona.

<sup>87</sup> Ba nagana gore le swanetše go ba le dikereke tše kgolo tša maina, mmogo, gomme le di dumelele ka moka ga tšona go tla mmogo gomme di be le tšhilo e kgolo gagolo go dikologa, le go ya pele, gomme ba hwetša dikete go dirišana, gomme ka moka ka mokgwa *wo*, go ba le tsošeletšo.

Nako ye nngwe Modimo o tšea mothaka yo monnyane wa go tšofala yo a sa tsebe go le bo ABC ba gagwe, gomme thwi magareng ga sehlopha sa batho ba go se rutege bao ba sa tsebe go letsogo la bona la go ja go tšwa go la ngele, A ka kgona go tsošetše godimo tsošeletšo yeo e ka šišinyago lefase. O se dirile nakong ya Johanne. O se dirile nakong ya baporofeta. Ga go le o tee wa bona, bjalo ka ge re tseba, yo a bego a rutegile, eupša Modimo o kgonne go ba swara gomme a dira se sengwe ka bona.

<sup>88</sup> Ka gare ga Leswika le go tšwele meetse. O be a le Leswika. Gomme O ile a laela Leswika le, gomme le swanetše go itiwa. Gomme O ile a fana ka meetse a magobegobe a go hlweka, a maswa, meetse a mabotse go yo mongwe le yo mongwe yo a bego a ka nwa. O ile a phološa bohle bao ba bego ba enwa go tšwa go Lona. Papelo ya go phethagala le Johanne 3:16.

*. . . Modimo o ratile lefase gakakang, a be a le nea Morwa wa gagwe a tswetšwego a nnoši, . . . gore mang le mang a dumelago go yena a seke a lahlega, eupša a be le bophelo bjo bo sa felego,*

<sup>89</sup> Modimo o iteile Leswika leo, kua Khalibari. Kahlolo ya rena e be e le godimo ga Gagwe, gore go tšwa go Yena go tšwe Moya wa Bophelo wo o tla fago lena le nna Bophelo bjo Bosafelego. Seo ke seswantšho se se phethagetšego sa Wona, kua lešokeng le.

<sup>90</sup> Ba be ba se ba swanela go goga, go epa, go pompa, goba se sengwe gape; be ile ba no tšea karolo ya tsela ya Gagwe ye a e neilego, ka go lokologa. Ge, ba be ba se ba swanela go a epela ntle ga mogobjana. Ba be ba sa swanela go a gogela godimo ka emere. Ba be ba se ba swanela go ba le sedikološi go a hwetša ka sona. Ba be ba no swanela ke go no tšea karolo go wona.

Gomme seo ka moka ke se se lego fao bjale. Ga wa swanela go tšoenela selo. Ga wa swanela go ya fase aletareng gomme o šome se sengwe, o se pompe. Ga wa swanela go bolela lentšu gape le gape le gape, go fihlela o eba le kgakanego ya leleme. Selo se nnoši o ka se dirago o Mo tšee karalo, ka tokologo, tsela ye e filwego ke Modimo. Ga go go pompa, ga go go kgorometša, ga go selo; e no tšea go Wona, ka tokologo. Ga go selo se o swanetšego go se dira; e no tšea karolo go Wona. Ke gore, e no O dumela. Seo ke ka moka nka kgonago go se bolela go wona.

Ba be ba se ba swanela go dira le ge e ka ba eng ka wona. Ba be ba se ba swanela go a epa. Ba be ba se ba swanela go ya fase gomme ba lle bošego ka moka, ka wona. Ba ile ba no tšea karolo go wona; le be le iteilwe gomme le loketše. Seo ke therešo.

<sup>91</sup> Ke lebeletše monna bjale, yo a dutšego bo ka morago bja kamora fa. Ke elelwa ke mmošša seo, ka ntlong ya kgale ya setala letšatši le lengwe, kgauswi le legopo.

Gomme o ile a re, “Eupša ga ka loka.”

<sup>92</sup> Ka re, “Ke a tseba ga wa loka.” Gomme ka re, “Ga ka loka, le nna.” Eupša ka re, “O lebeletše se o lego sona. Gomme tlogela go lebelela se o lego sona, gomme o lebelele se A lego sona.”

A re, “Ge ke be nka no kgona go fediša disekerete tše, Ngwanešu Branham ke—ke—ke be nka ba Mokriste.”

<sup>93</sup> Ka re, “O seke wa di fediša. O leka go ba yo a lokilego gomme o tle go Yena. Ga se a tlela go phološa banna ba go loka; O tletše go phološa banna ba babe bao ba tsebilego gore ke bona ba babe.”

A re, “Go lokile. . .”

Ka re, “Theeletša, ga o nyake go ya heleng, ao a nyaka?”

A re, “Aowa.”

<sup>94</sup> Ka re, “Go lokile, ga wa swanela go ya. O hwile gore wena o seke wa ya.”

A re, “Ke eng se ke swanetšego go se dira?”

Ka re, “Ga se selo. E no ba bonolo ka mokgwa woo.”

A re, “Eupša ge nka tsoge ka kgona. . .”

<sup>95</sup> Ka re, “Fao o a ya, morago go sekerete sela gape. Tlogela go nagana ka sekerete seo. E no elelwa, nagana ka Yena, seo A se dirilego, seo A lego sona; e sego seo o lego sona. Ga se wa loka; gomme ga se wa ke wa loka, gomme o ka se tsoge wa loka. Eupša, seo A lego sona, ke Yena yo Motee!” Gomme ka re, “Bjale, selo se setee se o swanetšego go se dira; ge A tšere lefelo la gago tlase kua, ka go rata e no amogela se A se dirilego. Selo se nnoši o swanetšego go se dira e no ba go e amogela.”

“Ka baka la eng,” a re, “go bonolo. Ke tla dira seo.”

<sup>96</sup> Ka re, “A še nokana.” Le a bona? Ka mo tliša godimo mo gomme ka mo kolobetša ka Leina la Jesu Kriste.

Ba bangwe ba batho ba gagwe ba dutše mo, gomme ke—ke a tseba ba ile ba ikwa gampe ka nna ge ke dirile seo, eupša ke be ke tseba seo ke bego ke se dira. Ke bone ka monngeng se sengwe se e bego e le sa mmakgonthe. Ke be ke kgona go se bona fao, gomme ke ile ka mo tšea gomme ka mo kolobetša ka Leina la Morena Jesu.

Gomme, ge re dirile seo, go bile e se kgale ka morago ga fao go fihla ge re eya tlase ntlong ya morwa wa gagwe. Re ile ra bona po—po pono ya mohlare o robja lefelongtsoko, gomme monna a wa, gabotse a robega mokolo wa gagwe. Ba mo tšeela bookelong. Gomme bošegong bjoo Morena a utolla, go nna, seo e be e le bofelo bja sekerete.

Ka fao letšatši le le latelago o ile a nyaka disekerete. Ka re, “Ke tla mo rekela khathune gomme ke e tšee ke e iše go yena. E nong go lebelela gomme le bone, matšatši a gagwe a sekerete a fedile.” Ga se a ke a hlwa a kgoga le setee go tloga fao, gomme ga se a ke a nyaka setee go tloga fao. Modimo!

<sup>97</sup> Le a bona, selo sa pele se o swanetšego go se dira ke go tla Mothopong woo. O swanetše go tla go Meetse ao, o lemoge gore ga go selo se o ka kgonago go se dira. Ke seo A go diretšego sona. Ga wa swanela gore o epe; ga wa swanela go pompela ntle; ga wa swanela go tlogela se; ga wa swanela go tlogela sela. Selo se le tee o swanetšego go se dira ke gore o ye fao gomme o nwe. Seo ke phetho. Ge o nyorilwe; nwa!

<sup>98</sup> Bjale, O be a le Leswika. Modimo o Mo itietše rena, gomme O ile a fana ka magobagobe a go hlweka, a mabotse meetse. O a dira le bjale, lehono, go yo mongwe le yo mongwe yo a ka dumelago. Wo ke mogau wa Gagwe, gabotse, go batho ba Gagwe, rena.

<sup>99</sup> Go na le se sengwe sa go swana fao, go swana le batho ba lehono, ba loketše go amogela se ba ka kgonago go se hwetša, eupša ga ba nyake go neelana ka tirelo ye e itšego go lefela. Israele e be e eme komana go—go nwa go tšwa leswikeng bjale, eupša ba be ba sa nyake go fa Modimo tirelo ya Gagwe ye e bego e Mo swanela.

<sup>100</sup> Gomme Yena ka mehla o re fa tirelo. Le a tseba, re ka se kgone le go no hema ka ntle le Yena. Re ka se kgone go hema ka ntle le tirelo ya Modimo. Ke ka mokgwa wo re itshamilego ka Yena ka gona. Gomme, go le bjalo, go re ripaganya ka ripa tše pedi ge re leka go dira, re swanetše go Mo direla se sengwe. O re kgopela go dira se sengwe, re ye go bona yo mongwe, re ye go rapelela yo mongwe, re ye go thuša yo mongwe, gabotse se a ripaganya, go se dira. Eupša ga re nyake go Mo direla selo bjalo ka tirelo.

<sup>101</sup> Pelaelo ya Gagwe e bile, “Ba tlogetše Nna, Lentšu; gomme ba amogetše sedibana sa maiterelo, legatong. Amogetše... Ba tlogetše Nna, Mothopo wa Bophelo, Mothopo wa Meetse a Bophelo; gomme ba kganyoga gomme ba ka upša ba nwa go tšwa go sedibana sa meetse magakwa.” A o ka kgona go eleletša seo?

<sup>102</sup> A o ka kgona go eleletša motho bjale, gore, sese sediba sa go pumpunyega se tšweleletša a makaone, a leswika kalaka meetse, thwi go tšwa pelong ya maswika, fase thwi lešagong la lešabašaba, le go ya pele, a no tonya le go ba a mabotse ka mo a ka kgonago go ba; gomme bokaone a ka nwa go tšwa sedibaneng ka kua, seo se hlatswitšego bogodimo bja ntlo polokelo, le mašaka, le ka moka meago ya ka ntle go dikologa lefelo? Gomme sa a bea thwi ka sedibaneng fao, fao nwelelo ya meetse e tšhollelago thwi morago ka go sona, go tšwa ntlong polokelo, mašaka a dipere le a dikgomo, gomme se sengwe le se sengwe se tšhollegela thwi morago ka go sedibana, gomme ka gona re rata go fihl- . . . go nwa go tšwa go seo pele re ka ya go sediba sa go pumpunyega? Go tla be go na le se sengwe sa go fošagala kgopolong ka motho yoo. Seo ke therešo.

<sup>103</sup> Gomme ge monna goba mosadi a ka tšea kereke tša maina leemong la tšona, tšeo di ka dumelelago go poma moriri, go apara mafonokana, go ipenta, ka moka mehuta ye ya dilo, gomme le mohutana wa—wa lenaneo, gomme le ka moka go tšwela pele mo, le go ya mafelong a kgwele ya go kgokološwa, gomme—gomme le ka moka tšhila ntle kua, gomme a kgona go kwana le seo; gomme ka mokgwa wo go phala ka fao ba dirago la go tšwa fešeneng-la kgale Lentšu la Modimo leo le ripelago fase gomme la matlola, gomme la dira bahumagadi go tšwa basading, gomme la ba tšea gomme la ba dira gore ba apare gabotse gomme ba dire gabotse, le tšee disekerete le motšoko, le maroga le go rogana, le go bolela maaka le go utswa, go tloga go lena, le lefase ka moka go tloga go lena, gomme la go fa Sesengwe seo e lego kgotsofalo ye e phethagetšego. Ke ka baka la eng monna go ba mosadi a eya go selo se se swanago le se go hwetša khomotšo? Le ka kgona bjang go hwetša khomotšo go tšwa go seo?

<sup>104</sup> O ka kgona bjang go hwetša meetse maswa a go nwewa go tšwa sedibaneng sa meetse magakwa? Ke ka baka la eng

motho...Ge motho a eya sedibaneng sa meetse magakwa go hwetša seno, mola go na le sediba sa go pumpunyega se bulegile, le ka re, “Go na le se sengwe se se fošagetšego ka mogopolo wa monna yoo.”

Gomme ge mosadi goba monna a e ya lefelong la mohuta woo go hwetša khomotošo, go na le sesengwe se fošagetšego semoyeng ka motho yoo. Ga ba nyake Lentšu. Go laetša gore tlhago ya bona e sa le segwegwe, goba kolopisane, goba se sengwe, seo ke therešo, se sengwe sa mohuta woo se se ratago mogobe wola wa meetse magakwa, ka gore tšona dilo tša mohuta wo di ka se dule ka mogobeng wa Meetse a maswa. Di ka se kgone go e dira; ke Meetse a maswa. Di ka se kgone go e dira.

<sup>105</sup> Bjale, pelaelo e be e le, “Ba O tlogetše.” Gomme lehono ba dirile selo se se swanago.

Bjale lebelela mosadi sedibeng. Go lokile, o tllile sedibaneng sa Jakobo, gomme o be a ega meetse fao nako ka moka, mo sedibaneng sa Jakobo. Eupša sedibana sa maitirelo sa Jakobo, kereke ya leina, re ka se bitša yona, ka baka la gore o be a epile tše tharo tša tšona; gomme se o be a se epile. Bjale, mosadi o be a na le setori se segolo. O ile a re, “Bjale, tategorena o epile sediba se, Jakobo. O nwele go tšwa go sona, le dikgomo tša gagwe di nwele go tšwa go sona, le se sengwe le se sengwe. A seo ga se se sebotse go lekanela?”

<sup>106</sup> O ile a re, “Eupša meetse a o a gago go tšwa fa, o nyorwa gape, o swanelwa go tla morago fa go tla go a hwetša. Eupša,” a re, “Meetse a o ke go fago ke Mothopo, Sephophoma go ragela godimo go tšwa ka gare, gomme ga o sa tla mo go tla go A hwetša. A na le wena thwi.”

<sup>107</sup> Hlokomela. Eupša ge a lemogile gore Mothopo wa Mangwalo o boletše le yena, ka seka sa Mangwalo seo a bego a se nyaka, o ile a tlogela tshepedišo ya bokereke ya leina ya Jakobo gomme ga se a hlwe a e ya morago go yona gape, ka baka la gore o be a hweditše Leswika la mmakgonthe. Le a bona? O ile a kitimela ka toropongkgolo. O be a feditše ka sebe. O be a sa hlwe e le mosadi wa tšhila. O ile a re, “Etlang, le bone Yoo ke mo hweditšego, Monna Yoo a mpoditšego dilo tše ke di dirilego. Na Yo a ga se yena Kriste?” Mosadi. . . Sedibana sa maitirelo se ka no ba se be se lokile; se be se phethile morero wa sona. Bjale o be a le go Mothopo wa nnete. Sedibana sa maitirelo se be se lokile go fihla ge Mothopo wa nnete o bulwa. Eupša ge Mothopo wa nnete o etla, sedibana sa maitirelo se lahlegetšwe ke maatla a sona. O ile a hwetša gore go na le lefelo le lekaone go nwa go lona.

<sup>108</sup> Gomme go na le lefelo le lekaone. Go na le lefelo le lekaone, gomme lona ke ka mo go Kriste. Ka go Mokgethwa Johanne 7:37 le 38, Jesu o rile, mafelelong a monyanya wa mešaša, “Ge monna mang le mang a nyorilwe, a atle go Nna, gomme a nwe.”

Ka moka ga bona ba be ba thabile. Ba ba ba bile le morunyo o monnyane wa meetse a tšwele ntle go tšwa ka fase ga aletare, gomme—gomme fao ba be ka moka ba enwa go tšwa go wona, mo ketekong, ya—ya monyanya. Gomme ba re, “Botatawešu ba nwele go tšwa go leswika la semoya ka lešokeng.” Bona, ba be ba ikepetše ka bobona sedibana, meetse magakwa ba a pompetshego fase go tšwa lefelongtsoko, gomme ba a ragela godimo ka fase ga tempele fao. Gomme ka moka ba be ba etla go dikologa meetse a gomme ba enwa, gomme ba re, “Mengwaga ya go feta, botatawešu ba nwele ka lešokeng.”

Jesu a re, “Ke nna Leswika leo le bego le le ka lešokeng.”

Ba re, “Re lle manna go tšwa Legodimong, gomme Modimo o a nešeditše fase.”

<sup>109</sup> A re, “Ke Nna wona Manna ao.” Yena, Mothopo wona woo, o be a eme magareng ga bona. Borotho bjoo bja Bophelo o be a eme magareng ga bona.

Gomme go le bjalo ga se ba ke ba O nyaka. Ba bona bokaone e le go ba le sedibana sa maitirelo sa bona; ka baka la gore, monna o be a dirile se, gomme Modimo o be a rometše Sela. Seo ke phapano tlwa. Ba ikepetše didibana tša maitirelo bona beng!

<sup>110</sup> O rile, “Ge monna mang le mang nyirilwe, a atle go Nna, gomme a nwe.” Yena ke yena Mothopo woo.

Gomme bjalo ka ge Lengwalo le boletše, “Go tšwa mpeng ya gagwe go tla ela dinoka tša Meetse a a phelago.” Oo, Yena ke sediba sa go seloga! “Go tšwa mpeng ya gagwe, goba bokagaregare bja gagwe, go tla ela dinoka tša Meetse a a phelago.”

<sup>111</sup> Ke Yena Leswika lela leo le bego le le . . . E be e le Leswika la Hagara, nakong ya mathata; ge ngwana wa gagwe a be a le kgauswi le go hwa, ge a be a ntšheditšwe ka ntle ga kampa, gomme o be a le ntle kua a na le Ishmael yo monnyane. Meetse a gagwe, ka sedibeng sa gagwe sa maitirelo seo a bego a se rwele, a be a fedile. Gomme o ile a robotša Ishmael yo monnyane fase; gomme o ile a sepelela godimo, bokgojana bja mosebe ge o ragotšwe, gomme a lla, gomme, oo, ka baka la gore o be a sa nyake go bona ngwana a ehwa. Gomme ka moka gatee, Morongwa wa Morena a bolela, gomme o ile a hwetša Ber- . . . Berseba, se—se sediba kua seo se bego se ela, gomme se sa ela go fihla le letšatšing leno. Yena o be a le Ber-Berseba ya Hagara, Leswika ka ntle kua ka lešokeng.

<sup>112</sup> Le be le eme mo ka Mothopong wo o tletšego ka Madi, letšatšing leo, le eme kua ka tempeleng. [Lefelo le le se nago selo godimo ga theipi—Mora.] . . . nakong ya ledimo. Ka go Zakaria 13 tema, O be a le Mothopo wo o bego o butšwe ka ntlo ya Dafida, go hlatswa, gomme o buletšwe (sebe) go hlatswiwa



ga sebe. O be a le Mothopo woo. Gomme ka go Dipesalome 36:9, O be a le Mothopo wa Bophelo wa Dafida. O sa le wona Mothopo wo ka ntlony ya Dafida.

Gomme ke Yena wa moreti, ka pelony ya gagwe fao. Moreti o rile:

Go na le Mothopo o tletše ka Madi,  
A ntšhitšwe go tšwa ditšhikeng tša Immanuel,  
Ge badiradibe ba phonkgela ka fase ga lefula,  
Ba tlemollwa go ka moka dipatso tša molato  
wa bona.

Ke Yena Mothopo woo wa Bophelo, Mothopo wa Meetse.  
Ke Yena Lentšu la Modimo.

<sup>113</sup> Batho ba matšatši a a mafelelo ba Mo tlogetše, Lentšu la therešo, Meetse a Bophelo; gomme ba ikhuretše ka bobona didibana tša dikereke tša maina, gomme, gape, ba hurile, epile!

<sup>114</sup> Gomme bjale re hwetša gore, ba be ba na le didibana tša go gopa. Gomme ka gona sedibana se sa maitirelo se tletše ka ditwatši tša go se dumele, boikgantšho bja go se dumele, mananeo a thuto, le go ya pele, seo se lego kgahlanong le ditshephišo tša Modimo. Ke bakamaki ba Lentšu.

<sup>115</sup> Bjale, didibana tše tša maitirelo ba nago natšo, Beibele e rile, di be di “kgaogile.” *Sedibana* se se *kgaogilego* ke sedibana se se “dutlago,” gomme se nwelella ntle. Na se dira eng? Se nwelella ntle ka go mogobe wa tooti wa bodumedi wo o bitšwago Lekgotla la Dikereke la Lefase. Gomme fao ke mo sedibana se se kgaogilego se ba hlahlelago go ya gona, ka moka ka baka la gore ba tlogetše Yena, gomme ba . . . Mothopo wa Meetse a go phela; gomme ba dirile didibana tše tša maitirelo.

<sup>116</sup> Ba epollela ntle ditshepedišo tše kgolo tša siminari tša go ithuta, thuto, le go ya pele. Wo ke mohuta wa didibana tša maitirelo tše ba di epago lehono, gore monna o swanetše go ba le Ph.D., goba LL.D., goba Grata ya Bokgabo, goba se sengwe, le pele ga ge a ka kgona go rera. Didibana tša maitirelo tše di tladitšwe ka thutha bomodimo ya madirwa-ke monna. Ba a ba tšea ba ba iša ka go dikolo tše tona tše kgolo tše tša go ithuta, gomme ka fao ba hlabella ka go bona thutabomodimo ya bona ya madirwa-ke monna, gomme ba ba romela ka ntle le seo. A letšatši leo re phelago ka go lona, didibana tša maitirelo tša madirwa-ke monna! Ga go bothata . . . Ga go makatše selo se setlile sa—sa nkgā, oo, nna, ke ka baka la gore batho ba nwa go tšwa go seo.

<sup>117</sup> Gomme ge batho ba nyaka thabo lehono, na ba dira eng? Batho, go na le gore ba amogele thabo ya Morena, ba retologela sebeng, go hwetša thabo. Batho ba ba ya go kerekeng gomme ba tleleima go ba bahlanka ba Kriste, ge ba thoma go ba le letšhogo ba tshuma sekerete. Gomme ge ba—ge ba nyaka go—

go ba le boithabišo, ba kgomarela go diaparo tša bona tša bohlaswa gomme ba tšwela ka ntle go ripa mabjang ge monna a eya go feta, go ba dira gore ba ba lletše molodi. Ba dira se sengwe le se sengwe gore ba tsebalege. Ba nyaka go lebellega bjalo ka dinaletšana tša dipaesekopu. Seo ke thabo ya bona.

Ge, Jesu a rile, “Ke Nna go anela ga bona.”

Lebaka la gore ba ye go seo, ke ka baka la gore ga ba nyake go nwa go tšwa Mothopong woo. Ba O bušeditše fase. Ga ba nyake go nwa go tšwa go Wona. Ba tšoena ka bobona mohuta wo o itšego wa tshepedišo ya madirwa-ke monna, mohuta wo o itšego wa sedibana sa maitirelo seo se tletšego mehuta ka moka ya dilo tša magakwa, tšeo di kgonago go ya ka mokgwa woo.

<sup>118</sup> Maabane, re bile le bana nokeng. Ke a dumela e be e le Mokibelo mosong. Re ile ra ya tlase; Billy o be a thea dihlapu ka seketswaneng. Gomme re ile ra tšeela bana tletlolo, setlogolwana morwa saka le bona, morwedi wa ka, le morwa waka yo monnyane, gomme re ile ra ya go hlatloša noka go—go tšea tshepelo ka seketswana. O be o ka se kgone le go no tšea tshepelo ya seketswana ka nokeng, ka baka la manyala, le tšhila, batho ba tšhila ntle kua nokeng, ponoka seripa gomme ba tšwela pele. Seketswana se ile sa sepelela godimo lehlakoring la rena, sehlopha sa ba bannyane ba lesomepedi-lesome nne—la mengwaga—ka bokgale bašimane, yo mongwe le yo mongwe wa bona a swere kotikotiana ya bjala ka diatleng tša bona, le sekerete. Ba bitša seo gore ke go ba le “maipshino.” Oo, nna! Lefase le le ka kgona go phela nako ye kae, le tshepedišo ya go swana le ye?

<sup>119</sup> Ka gona go itokolla ka bobona go tšwa go megopolo ya gore ge ba ehwa ba tla ya heleng, selo se ba se dirago, ba a ya gomme ba tšoena se sengwe sa didibana tša maitirelo tša madirwa-ke monna. Ka fao mohuta wo o swanago wa batho ke ba sedibana seo sa maitirelo. Ga se selo eupša sehlopha sa go se hlweke, dinyokanyokiša-meselana tša go tšhilafatšwa tša lefase. Gomme ba itswalanya ka bobona go seo ka baka la gore, bjalo ka ge mme waka wa go tšofala a be a fela a re, “Dinonyana tša lefoga di goloma mmogo.” Ba ka se ke ba tla Mothopong gomme ba hlwekišwa go tšwa go bophelo bjoo bja sebe. Ba nyaka go phela ntle kua, gomme ba sa swere bopaki bja gore ke bona Bakriste. Ka baka la eng? Ba tlogile go tšwa go Yena, Mothopo wa nnete wa thabo, Bophelo, Bophelo bjo bo phethagetšego le kgotsofalo. Ke ka baka leo ba se dirilego, ka baka la gore ba nyaka go tšoena. Ba na le batho fao ba ba dumelago dilo tšeo.

<sup>120</sup> Gona mo e sego kgale go fetile, Ngwanešu Fred le nna, le Ngwanešu Tom, sehlopha sa rena re ile ra ya go bona kereke ya Baptist ya go tsebalega ka toropokgolong ya Tucson, go bona ge e ba re be re ka se kgone go hwetša selo se sengwe

se sennyane seo se bego se ka re fa mohlomongwe maikutlo a maswa gannyane. Gomme modiredi o ile a bolele se sengwe gape ka batho ka Egepeta, ge ba tloga ba be ba ija kaliki le go ya pele, ba be ba nyaka go ya morago gape go e ja. A re, “Seo ke se sengwe go swana le batho ba lehono.”

Gomme, rena, yo mongwe le mongwe ra re, “Amen!” Ga se ka ke ka bona sehlopha se se bjalo! Kereke ka moka ya lahlegelwa ke go bona moreri gomme ya lebelela morago go bona gore e be e le mang yo a rilego “amene.” Se ile sa ba tšhoša go iša lehung. Ba be ba sa tsebe gore ke eng.

Ge, Dafida a rile, “Direlang Morena lešata la go tlalathabo. Retang Yena ka diarepa! Retang Yena ka dipisalome! A nke tšohle tše di nago le mohemo di rete Morena. Gomme lena retang Morena!” Modimo o thaba ka bathong ba Gagwe. A nke bona ba ba rutegilego, ba re, “Amene,” ge se sengwe le se sengwe se boletšwe gabotse.

<sup>121</sup> Ka baka la eng le sa retologe go tšwa go tshepedišo ye le didibana tša maitirelo tša lefase, go ya go tshepedišo ya go tshepege ya Modimo, yeo e lego sediba sa go pumpunyega, Jesu Kriste? Ka baka la eng le sa retologela go Yena, fao Modimo e lego mofi wa botlalo wa thabo, mofi wa rena wa botlalo ka ditheto, mofi wa rena wa botlalo ka kgotsofatšo? Go okobala ga megalatšhika yaka go tšwa go Modimo.

Ge ke gobetše, ke hwetša kgotsofalo ya ka ka go Kriste, e sego ka go sekerete, e sego ka go dilo tša lefase, e sego ka go tšoena thutotayo; eupša ka go hwetša Yena, Lentšu le le tshephišitšwego leo A rilego, “Ge Ke tloga, Ke tla tla gape ke le amogele.” Ke hwetša thabo yaka ka go seo. Yena ke Thabo yaka.

<sup>122</sup> Lehono ba re, ka go tšoena dilo tše le ka go dira Lekgotla la Dikereke la Lefase, ba re ba ya go dira lefelo le lekaone le ba ka phelago ka go lona. Go kgopolo yaka ya go botega, ba ya go dira lefelo le lekaona la go direla sebe ka go lona. Seo e no ba . . . Selo sohle ke sebe, go le bjalo; e sego go phela ka go sona, eupša go hwela ka go lona. Ba dira lefelo la sona go direla sebe ka go lona—sebe ka go lona, go na le go phela ka go lona.

<sup>123</sup> Se sengwe le se sengwe gape, ka ntle ga Jesu Kriste le Lentšu la Gagwe la Bophelo, ke sedibana sa maitirelo se se omilego. Se sengwe le se sengwe seo o lekago go Le direla kemedi ka sona; se sengwe le se sengwe seo o lekago go se dira go tliša khutšo ya gago, se sengwe le se sengwe seo o lekago go se dira go tliša khomotšo ya gago, mohuta wo mongwe le wo mongwe wa thabo woo o o amogelago go tšwa go eng goba eng gape, bjalo ka kemedi ya Le, ke sedibana sa maitirelo sa go gopa sa go tlala tšhila. Yena o fa kgotsofalo ya go phethagala.

<sup>124</sup> Ke elelwa gona mo, dilemo di se kae tša go feta, ke sepeletše ntle ka lebatlala la ka morago. Fao go be go na le

moteketekiana ka ntle fao yo a ilego go nna, a re, “O a tseba, lebaka leo ka mehla o bolelago ka basadi ka tsela yeo, ge ba apere makhakhaisana le dilo,” a re, “ke gore wena o monna wa go tšofala.” A re, “Ke ka lebaka leo e lego ka gona.”

Ka re, “Lebelela mo. O na le mengwaga ye mekae ka bogolo?”

A re, “Masomepedi-šupa.”

<sup>125</sup> Ka re, “Ge ke be ke na le mengwaga ye mentšhi ka bonnyane go fetwa ke wena, ke be ke rera selo seo se swanago.”

Ke hweditše Mothopo wa kgotsofalo. Ke Yena karolo yaka. Amene! Ge feela A sa no neelana ka seo, seo ke ke se sebotse. Seo ke—seo ke yaka . . . Bjo ke bokgabo bjaka, ke go lebelela go Yena, go bogela seatla sa Gagwe se šoma le go bona seo A se dirago. Ga go na le mothopo wo mongwe wo ke o tsebago!

Oo, wo bohlokwa ke moela  
Wo o ntirago mošweušweu boka leswele;  
Ga go mothopo wo mongwe ke o tsebago,  
E sego sengwe eupša Madi a Yesu.

Go na le Mothopo o tladitšwe Madi,  
A ntšhitšwe go tšwa ditšhikeng tša  
Emmanuel;

Fao badiradibe ba phonkgelago ka fase ga  
lefula,

O tlogwa ka moka ke dipatso tša molato wa  
bona.

<sup>126</sup> Ke a le botša, ga go mothotswana wo ke o tsebago eupša ge e se Mothopo woo. O ile wa ntlhwekiša ge ke be ke le ditšhila. O mpoloka ke hlwekišitšwe, ka baka la gore ke rata go phela thwi go Wona, ke nwe Meetse a a maswa ao a tlatšago soulo yaka ka thabo.

Nka kgona go ba fase kudu, gomme ke ikwela gore nka se kgone go ya aowa . . . tikologo ye nngwe, nka se kgone go ye felo gape; ka gona ke kgona go khunama gomme ka bea monwana godimo ga tshephišo, gomme ka re, “Morena Modimo, Wena o maatla a ka. Wena o kgotsofalo yaka. Wena o tšaka kamoka-ka-go kamoka.” Ke kgona go thoma go kwa Sesengwe se phophomela godimo go tšwa bokagare bjaka fao. Ke tšwela ka ntle ga sona.

<sup>127</sup> Bjalo ka ge ke fetile masometlhano a mengwaga ka bokgale, ke kgona go tsoga e sa le ka meso, le a tseba gore go bjang, o ka se kgone go ntšhetša le leoto le tee ka ntle ga mpete. Nna, o ka se kgone go se dira; gomme yo mongwe a le mojako, a kokota, goba Billy a mpotša gore go na le tšhoganetšo, lefelontsoko ke swanetše go ya. Gomme ke a nagana, “Na nka e dira bjang?” Leka go bea leoto le tee ka ntle.

Ke a nagana “Wena o Mothopo wo o tladitšwego ka maatla a ka. Amene! Maatla a ka le thušo ya ka di tšwa go Morena. Wena o sediba saka sa go pumpunyega! Wena o boswa bjaka! ‘Bao ba letetšego Morena ba tla mpshafatša maatla a bona; ba tla hlatlogela godimo ka diphego bjalo ka ntšhu; ba tla kitima, gomme ba ka se lape, ba tla sepela, gomme ba ka se tenwe.’ Morena Modimo, wo ke mošomo waka, go ya. Ke bileditšwe lefelong la mošomo.” Gomme selo sa pele le a tseba, Sesengwe se thoma go tabogela godimo bokagare bjaka.

<sup>128</sup> Letšatši le lengwe, godimo ka lefelwaneng le lennyane, ke be ke na le kopano godimo mo ka Topeka, Kansas; go be go na le mošimane, moreri yo monnyane, yo mongwe wa bathekgi ka tšhelete baka wa mothomo. Ngwanešu Roy, o dutše fa, o elelwa lefelo. Ka go le, ka go lefelo le le legolo mo, go be go na le le—le. . . Modiredi yo o be a tsene ka fase ga hlaka goba lefelo, leboto la ka thoko la mo šilaganyetša fase ka tlase ga seo. Moisa yo monnyane o be a eya go hwa. Sebete sa gagwe se be se phatlogile. Lebeti la gagwe le be le thuletšwe go tloga lefelong. Ditone di be di wetše godimo ga gagwe.

<sup>129</sup> Ke be ke dutše difihlong, ke bolela le mohumagadi. Ka re, “Mohumagadi, o a tseba, ge Jesu a ka be a be a le fa, a o a tseba gore O be a ka dira eng?” Ka re, “Ge a be a nthekga ka ditšhelete, ‘ke dumela Lentšu leo,’ o be a thekga Kriste.” Gomme ka re, “Bjo ke boradia bja diabololo.” Ka re, “Ge Jesu a ka be a le fa, O be a ka ya a bea diatla tša Gagwe tše kgethwa godimo ga gagwe. Mošimane yola o be a tla ba gabotse. Ga ke kgathale ge e ba sebete sa gagwe se phatlogile. O be a tla ba gabotse, ka baka la gore Jesu o be a tla sepelela ka kua a tseba tlwa gore ke Yena Mang. O be a tseba pitšo ya Gagwe, Mangwalo a be a rereša, a bonagatša ka go Yena gore O be a tseba gore ke Yena Mang, gomme go sego. . . go sego morithi wa go kamaka. O be a tla bea diatla tša Gagwe, godimo ga gagwe, gomme a re, ‘Morwa, e ba gabotse,’ sepela o tšwe ka mo.” Gomme ka re, “Ga go matimone a a lekanego ka heleng go bolaya mošimane yola, nako ye.” Ka re, “Yena o be a tla ba gabotse.” Eupša a re, “O a bona, moratiwa, Yena o be a le Jesu, diatla tše kgethwa tša Modimo.”

Ka re, “Nna ke modiradibe. Ke tswetšwe tswalo ya thobalano. Tate waka le mme waka bobedi e be e le badiradibe, gomme ke no se be selo sa go loka.”

Gomme ka re, “Eupša o a tseba ke eng? Ge Morena a ka mpha pono gomme a nthomela tlase kua, gona seo se tla ba se se fapanego.” Ka re, “Ke tla ya tlase gomme ka bea diatla tšaka godimo ga gagwe, o tla tšwela ka ntle ga mpete wola ge Yena a ka mpha pono.”

<sup>130</sup> Ka gona ke ile ka nagana, “Ka morago ga tšohle, ge e be e le pono, e be e le eng yona? E be e le diatla tše di swanago tša ditšhila godimo ga gagwe, uh-huh, monna yo a swanago a mo rapelela, diatla tše di swanago tša ditšhila.”

Ka gona ka thoma go nagana, “Nna ke moemedi wa Gagwe. Ka gona, Modimo ga a mpone. Madi a le a Yo a lokilego a robotše godimo kua godimo ga aletare; a ntirela dipoelano. Yena ke go lekanela gaka. Yena ke thapelo yaka. Yena ke Bophelo bjaka.” Ka re, “Selo se nnoši seo se ka ntirago gore ke bee diatla tšaka godimo ga gagwe, ka tumelo, ka baka la gore ke bile le tumelo ponong. Gomme ka ntle le pono, tumelo ye e swanago e be e tla dira selo se se swanago; ka fao ke kgona go itšea go ba lefela, gomme ke tšea Yena goba tšohle-ka-go tšohle tšaka. Ke Yena Bophelo bjaka. Ke Yena Mokomišinare waka. Ga go kereke ya leina ye e nthomilego; O nthomile. Haleluya! Ke ya ka Leina la Gagwe. Ke tla bea diatla godimo ga gagwe.” Ka sepelela tlase kua gomme ka bea diatla tšaka godimo ga mošimane yoo, gomme bošego o be a le ka kopanong, sediba sa go tia. Amene!

<sup>131</sup> Oo, eye, ke Yena Mothopo woo. “Ga go mothopo wo mongwe wo ke o tsebago. E sego selo eupša Madi a Jesu!” Ke nna monkgi, ke nna legwaragwara, yo mongwe le yo mongwe wa rena ke lona, eupša pele ga Modimo re phethagetše. Je... “Ka fao e bang ba ba phethagetšego, bjalo ka Tataweno wa Magodimong e le yo a phethagetšego.” A o ka ba bjang? Ka baka la gore mophethegi o Tee o a re emela kua. Mothopo woo o kua letšatši le lengwe le le lengwe, o moswa. E sego se sengwe sa magakwa, eupša wo moswa letšatši le lengwe le le lengwe, wo o hlatswago dibe tšaka ka moka go di tloša. Ke Yena Mothopo woo.

<sup>132</sup> Bjale ke tswalela, nka no bolela se. Se sengwe le se sengwe se se fapanego go tšwa go Wo ke sedibana sa go gopa, gomme mafelelong se tla dutliša seo o se beago ka go sona; ge o beile ka moka dikholofelo tša gago, nako ya gago ka moka, le se sengwe le se sengwe, ka go se sengwe sa didibana tšeo tša magakwa. Jesu o rile e be e le didibana tša go gopa. Modimo o rile, “Di gopile, gomme di tla dutliša le ge e ka ba eng yeo o ka e bego ka go tšona.” O ka se ye bokgole bjo bo itšego le tšona, ka baka la gore di tla dutlela ntle. Ka baka la gore ke Yena tsela e nnoši go ya Therešong, go ya Bophelong, le go ya thabong ya ka Gosafelego, le khutšo ya ka Gosafelego. Ke Yena a Nnoši le tsela e nnoši go ya go Yeo. Oo, nna!

<sup>133</sup> Mothopo wa Bophelo wo o sa lapego ke Jesu Kriste. Ka baka la eng? Gomme Yena ke Mang? Lentšu, le le swanago; Lentšu, Bophelo, Mothopo, “yo a swanago maabane, le hono, le ka gosafelego.” Modumedi wa therešo, Lona ke thabo ya gagwe ya godimo, Bophelo bja gagwe bja godimo. Gomme kgotsofala ya gagwe ya godimo e ka go Kriste. Ga go na le go pompa, ga go na le go goga, ga go na le go tšoenaga, ga go na le go peila; go no dumela le go khutša. Ke seo A lego sona go go dumela.

<sup>134</sup> Go swana le tate Abraham; ga se a ke a goga, ga se a ke a eba le kgohlano, ga se a ke a tshwenyega. O be a na le Lentšu.

O be a robetše godimo ga letswele la El Shaddai. Ge Abraham a be a na le mengwaga ye lekgolo ka bokgale, Modimo o ile a bonagala go yena, gomme a re, “Ke Nna Ramaatlaohle.” Lentšu la Seheberu ke *El Shaddai*, le ra gore, “Wa go ba le Matswele.” “Gomme o tšofetše, gomme maatla a gago a ile, eupša e no robala godimo ga sefega Saka gomme o goge maatla a gago go tšwa go Mothopo wo.” Amene! O be a iphepela ka boyena go ya go eng? Mmele wo moswa. O bile le ngwana, ka Sarah. Gomme, masometlhano a mengwaga ka morago, o bile le bana ba ba šupago ka mosadi yo mongwe.

<sup>135</sup> Oo, El Shaddai! Tastamente e Taala e laetša se A se dirilego, Tastamente e Mpshe e bolela se A tlogo go se dira. Amene! Ka Tastamenteng ye Taala . . .

<sup>136</sup> Bjale moya o timile, ke tla phakiša gomme ke tloge mo bjale, mo motsotsong feela.

Ke rata go bolela se pele ke tswalela. Ke bile le mohlala wo mobotse wa se nako ye nngwe. Ke be ke hlapeditše. Gomme batho ba bantšhi mo . . . Tlase tikologong ya Georgetown, tlase kua ka Milltown, go be go fela go eba, tsela morago ka dithabeng, mothopo. E be e le sediba sa go pumpunyega. Se be se beletša ntle e ka ba tše—tše nne-goba tlhano-dikgatho tša nokana ya meetse, a no phophomela ntle nako ka moka, le mothopo wo mogolo gagolo go le dikologa fao. Gomme thwi go dikologa go be go bontšhi bja dimela tša go nama, le a tseba, le dilo di mela fao, tšela tša go swana-le mente. Gomme, oo, ke be ke fela ke nyorelwa go ya fao, oo, nna, go ya go mothopo woo. Gomme ke be ke robala kgauswi le selo gomme ke no nwa le go nwa, gomme ke dule fase gomme ke nwe, ke letele.

Gomme ngwaga ka morago ga ngwaga ke be ke sa no fela ke etla go wona mothopo wo o swanago. O be o sa ke o gopa, marega goba selemo. A be a sa kgone go o gatsetša. O ka se kgone go gatsetša sediba sa go pumpunyega. Oo, aowa! Oo, aowa! Ga ke tshwenyega gore bjang—go tonya bjang, ga go ye go se gatsetša. O ka gatsetša sedibana sa maitirelo; tšhwaane ye nnyane feela e tla dira seo. Le a bona?

Eupša se sengwe le se sengwe seo se sepelago, se na le Bophelo ka go sona, se kgona go sepela go dikologa. Gomme o ka se kgone go gatsetša Sediba sa go pumpunyega. Go sa kgathalege gore moya o gatelegile bjang go dikologa lefelo, Sediba se se a phela ka mehla. Phela Sedibeng seo.

<sup>137</sup> Gomme ke lemogile fao, ke be ke fela ke feta fao gomme ke enwa go sona, gomme, oo, nna, e no ba meetse a maswa! Ga wa swanela go tshwenyega, “Ke a makala, ge ke fihla fao, ke makala ge e ba se tlogela go ela?” E sa le go tloga se ela . . .

<sup>138</sup> Molemi wa go tšofala o mpoditše, a re, “Tatemogolo wa ka o nwa go tšwa go sona.” Gomme a re, “Ga se sa ke sa timelela goba le selo. E sa le sediba se se swanago, se phophomela thwi ntle go ya ka go Blue River kua.”

139 Ka nagana, “Oo, nna, a lefelo le lekaone la meetse!” Ke be ke sepelela e kaba mmaele go tšwa tseleng, go ya lefelong leo, ka baka la gore e be e le lefelo la maleba la nnete go nwa go lona. Oo, ka meetse a o a be a le a makaone bjang! Oo, nna!

Ke—ke fela ke tšwela ntle ka kua leganateng le la, Arizona bjale. Ke sa fela ke nagana ka sona, “Sediba sela sa go makatša tlase kua, ge nka no kgona go robala fase go sona!”

Bjalo ka ge Dafida a boletše nako ye nngwe, “Oo, ge nka kgona go nwa ga tee gape go tšwa sedibeng sela!” Ge a be a ka kgona go fihla fao!

140 Gomme ke ile ka dula fase letšatši le lengwe, gomme ke be ke na le selo se sennyane sa go se kgahliše se diregile go nna. Gomme ka re, “Ke eng se se go dirago gore o thabe nako ka moka? Ke duma o ka re nka kgona go thaba ka mokgwa woo. Ka baka la eng, ga se ka ke ka go bona o nyamile, go tloga mola ke be ke etla mo. Ga go na le selo le setee sa go nyamiša ka wena.” Ka re, “Wena ka mehla o tletše thabo. O a taboga le go phophoma gomme o tšwela pele. Marega goba selemo, go tonya goba go fiša, eng goba eng e lego son, ka mehla o tletše thabo. Ke eng se se go dirago . . .? Ke, ke eng sona? Ka baka la gore ke nwa go tšwa go wena?”

“Aowa.”

Ke re, “Go lokile, mohlomongwe magotlo a nwa go tšwa go wena, gomme o rata se kudu.”

“Aowa.”

Ka re, “Go lokile, ke eng se se go dirago gore o phophomele godimo ka mokgwa wola? Ke eng se se go dirago gore o thabe bjalo? Ke eng se se go dirago gore ka mehla o tlale thabo?” Ka re, “A ke ka baka la gore—gore dinonyana di nwa go tšwa go wena?”

“Aowa.”

“Ka baka la gore ke nwa go tšwa go wena?”

“Aowa.”

Ka re, “Go lokile, ke eng se se go dirago gore o tlale thabo?”

141 Gomme ge sediba seo se be se ka kgona go bolela morago go nna, se be se ka bolela se. “Ngwanešu Branham, e sego ka baka la gore o a nwa; ke leboga seo, le bile ka baka la gore ke kgona go fa dinonyana. Ke fa yo mongwe le yo mongwe yo a nyakago go nwa. Selo se le tee o swanetšego gore o se dire ke go tla mo gomme o nwe. Eupša, seo se ntirago gore ke thabe, ga se nna ke phophomog, ke se sengwe ka gare, se a nkgorometša. Ke se sengwe se mphophomišago.”

142 Gomme ke ka tsela ye go lego ka gona ka bophelo bjo bo tladitšwego ka-Moya. Bjalo ka ge Jesu a itše, Yena o be a le ka



go. . . Bona, O go fa didiba tša meetsa go selogela godimo go iša Bophelong, bjo bo sa felego, sediba sa go pumpunyega lefula la go tlala wa go falala leo le elago kgafetša. Goba kereke ka moka e godimo goba fase, o sa no ba o le Sedibeng seo.

Ka baka la eng o swanetše go tšea tshepedišo ya go tšofala ya kereke ya leina le sedibana sa maitirelo, sa go tlala dinwamadi le se sengwe le se sengwe gape, gomme o nwe go dikologa selo seo sa magakwa, mola o laleletšwa Mothopong, Sediba sa go pumpunyega?

<sup>143</sup> Ke nagana ka fao se kgorometšago, gomme se dira meragelo, gomme—gomme se dira lešata, gomme se sega, gomme se thaba, gomme se taboga, gomme se ikgantšha. Go tonya, go le pula; phišo, go omile, ge ka moka yohle naga e be e omelela, sona se be se phophoma go no swana le ka fao se bego se dira ka mehla. Ka baka la gore se be se tibile, se tsemile medu, tsela fase ke gare ga maswika fao se tšwago.

<sup>144</sup> Oo, a ke phele ka Lefula leo! Tšea ka moka ditshepedišo tša gago tša madirwa-ke monna tše o nyakago go di tšea, ka moka didiba tša gago tša magakwa tša go tšofala, eupša ntumelele ke tle go. . . goba didibana tša maitirelo tša magakwa. Eupša, ntumelele go tla go Mothopo wo, ntumelele ke tle fao mo Yena a nnogo go tlala. Yena ke Thabo ya ka. Yena ke Seetša saka. Yena ke a ka. . . Yena ke Maatla a ka. Yena ke Meetse a ka. Yena ke Bophelo bja ka. Yena ke Mofodiši wa ka. Yena ke Mophološi wa ka. Yena ke Kgoši yaka. Se sengwe le se sengwe se ke se nyakago se hwetšwa ka go Yena. Ke ka baka la eng nka nyaka go ya go se sengwe gape?

<sup>145</sup> Ngwanešu, kgaetšedi, a o ka se tle Mothopong wo bošegong bjo? A o ka seke, ge o se wa ke wa ba fao, a o ka se O amogele bošegong ge re sa kobile dihlogo tša rena?

<sup>146</sup> Didibana tša go gopa, tša go dutla, tša go subelela, lefase le subelela ka go sona, tšhila ya go tšwa dintlong tša bobolokelo tša polasa le ya matšatši a mangwe. Ka baka la eng e se se Sediba, seo dilo tšeo di sa kgonego go dula ka go sona, Mothopo wo mogolo wo wa go tlatšwa ka Madi, ao a ntšhitšwego go tšwa ditšhikeng tša Immanuel? Ke ka baka la eng o sa amogele woo bošegong bjo? A nke Modimo a re thuše bošegong bjo, ka mo go ya go omelela, ya go nyorwa naga. Bjalo ka ge moporofeta a rile, “Yena ke Leswika ka mo nageng ya go lapa.” Ke Yena Mothopo woo. A o ka se tle go Yena bošegong bjo, ka dipelong tša lena, mola re rapela?

<sup>147</sup> Morategi Tate wa Magodimong, ga go na le Mothopo wo mongwe, bjalo ka ge mmino o raloka, “Ga go mothopo wo mongwe ke o tsebago; e sego selo eupša Madi a Jesu.” Ke tswetšwe fao, ke godišeditšwe fao; ke nyaka go phela fao, gomme ke hwele fao, gomme ke be ke tsoge gape fao, ka Bogoneng bja Gagwe. Ka mehla, Morena, ntumelele ke be ka Bogoneng bja Gagwe, ka baka la gore ga go na le wo mongwe ke o tsebago. Ga go thutotumelo,

ga go lerato; ga go lerato eupša Kriste, ga go thutotumelo eupša Kriste, ga go puku eupša Beibele, ga go se sengwe gape, ga go thabo ka ntle ga Gagwe. Mo tšee go tloga go nna, O Modimo, ga ke kgathale gore ke tše kae tša lefase tšeo ke di ruilego, le—le tla no fele le sa hwile, ke tla no goloma go dikologa ka diatla tšaka godimo bokagodimo bja hlogo yaka. Mo tšee go tloga go nna, ke tla be ke ile, Morena. Eupša Mo dumelele a be ka go nna, gona Disemere e no ba ya bose bjalo ka Mei, gona ga go na le mefelo a go fiša le bile ga go mafelo a go omelela, le lehu ka bolona ga le na le phenyo. Re dumelele re be le Yena, Tate. Mo fe, ka botlalo, go modumedi yo mongwe le yo mongwe bošegong bjo fa, bjalo ka ge ba be ba letetše ka mo kamoreng ye.

<sup>148</sup> Ba bantšhi ba bona ba swanetše go otlela tseleng ye telele bošegong bjo, ge ba eya magaeng a bona, gomme a nke se e be kgopolo ya bona, “Ke phela Mothopong woo. Ke phela fao, ke nwa boswa, iri ka iri.”

<sup>149</sup> Gomme ge ba se ba be ba amogela woo, le bjale, a nke ba amogele Yena bjale, gore ba kgone go tšea Mothopo thwi le bona. “Ke tla ya le wena; Ke tla ba le lena go fihla bofelong bja lefase.” Efa dilo tše, Tate.

<sup>150</sup> Gomme bjale ge re sa le ka dihlogo tša rena di kobamile, a go na le yo mongwe ka mo, bošegong bjo, goba ke ba bakae ba ka rego, “Morena, ntšee o nkiše Mothopong wo bjale. Ga se ka tla mo go no tla go kwa; ke tla mo go hwetša Sesengwe. Ke tla fa go hwetša Wena, Morena. Ke hloka Wena bošegong bjo. Etla pelong ya ka thwi bjale. A o ka se dira, Morena?” Modimo a go šegofatše. Morena a šegofatše yo mongwe le yo mongwe wa lena.

<sup>151</sup> Tate, O bone matsogo, le godimo le go dikologa lebotu, le ka dikamoreng tše dingwe, ka ntle. O—O ba bone, Tate. Ke—ke a rapela gore O tla neela se sengwe le se sengwe ba se nyakago. Mohlomongwe ba be ba enwa sedibaneng sa kgale, Morena, feela seripa gare sa tsela setopong ka kua fao monna a epetšego ntle sedibana sa maitirelo, se tšile sa bodišwa ke ka moka mehuta ya dithuto tša go se tsebje, ba gana Lentšu. Ke a rapela, Modimo, gore bošegong bjo ba tla tla go Yena Yo a lego Mothopo woo, Mothopo woo wa Bophelo. Ba fe wona, Tate. Ke ba neela go Wena bjale ka Leina la Jesu.

<sup>152</sup> Gomme O mpoditše, “Ge o kgopela se sengwe ka Leina Laka, se tla dirwa.” Bjale, ke be nka se kgopele se, Morena, ge ke be nka se nagane gore se tla dirwa. Ke be ke—ke be ke tla no ba ke se bolela ka tsela ya go tlwaelega ya tirelo. Eupša ke a ba rapelela, ka tlhokofalo. Ke a ba rapelela, ke dumela gore O tla fa seo O se tshephišitšego.

<sup>153</sup> Gomme bjale ke a ba tšea go tloga go tšwa go sedibana sela bošegong bjo. Ke ba tšea go tloga go tšwa lefelong leo ba bego ba enwa, fao ba sego ba kgotsfala; go tla go Mothopo wo. Ke se dira ka la Jesu Kriste Leina.

154 Ke ba Gago, Morena. Ba dumelele ba nwe go tšwa go Wena, Meetse ao a phelago, Mothopo wa Meetse ao a phelago. Ka Leina la Jesu, ke a se kgopela. Amene. Se fe, Morena.

Oo, bohlokwa ke moela woo  
 Wo o ntirago wo mošweu wa leswele;  
 Ga go mothopo wo mongwe ke o tsebago,  
 E sego selo eupša Madi a Jesu.

Ke eng se ka hlatswago dibe tšaka go tloga?  
 E sego selo eupša Madi a Jesu;  
 Ke eng se ka kgonago go ntira ke felele gape?  
 E sego selo eupša Madi a Jesu.

O Jesu, fodiša ba, Morena! E fe, Morena, ka Leina la Jesu. Ke a rapela, Modimo, gore O . . . ? . . . Wena o tseba dilo ka moka.

Ga go mothopo wo mongwe ke o tsebago,  
 Oo, e sego selo eupša Madi a . . .

155 Nagana ka wona, ga go mothopo wo mongwe ke o tsebago! Ga ke tsebe se sengwe gape eupša Yena. Ga ke kganyoge go tseba selo eupša Yena. E sego selo eupša Madi a Jesu! Oo!

Oo, bohlokwa ke moela woo  
 Wo o ntirago wo mošweu wa leswele;  
 Ga go wo mongwe wo mothopo ke o tsebago,  
 Oo, e sego selo eupša Madi a Jesu.

156 Ge re sa opela yeo gape, a re šišinyaneng matsogo mongwe go yo mongwe. A le a ratana mongwe go yo mongwe? A go na le yo mongwe ka mo yo a nago se sengwe kgahlanong le yo mongwe gape? Ge a le gona, eya o lokiše. A o tla dira? A re sekeng ra tloga mo ka tsela yeo. Le a bona? Ge o na le lehutla kgahlanong le yo mongwe, eya o e lokiše, thwi bjale. Thwi bjale ke sebakabotse sa gago go ya ka kua, wa re “Ngwanešu, kgaetšedi, ke boletše se sengwe ka wena, ke naganne se sengwe. Ke be ke sa re go dira seo. Ntshwarele.” Bona, yeo ke tsela ya go e dira. A re beng le Mothopo thwi magareng ga rena, nako ka moka. Le a bona?

Ga go wo mongwe mothopo ke o tsebago,  
 E sego selo eupša Madi a Jesu.

Oo, o bohlokwa moela  
 Wo o ntirago wo mošweu wa leswele;  
 Oo, ga go wo mongwe mothopo ke o tsebago,  
 E sego selo eupša Madi a Jesu.

157 Oo, a ga A makatše? Ga go na le wo mongwe mothopo! Re ka seke ra be ra itšhilafatša ka borena ka dilo tše dingwe. Re arogane, re tlogetše lefase morago. Ga re sa nyaka gape dikaliki tša Egepeta le didibana tša go gopa. Re mo leetong le Morena Jesu, Leswika lela le iteilwego, amene, re ja Manna go tšwa Godimo, gomme re a nwa; re ja Dijo tša barongwa, gomme re nwa go tšwa Leswikeng. Amene!

Ga go wo mongwe mothopo ke o tsebago,  
E sego selo eupša Madi a Jesu.

Bjale a re kobeng dihlogo tša rena.

<sup>158</sup> Ke rapela gore Modimo o tla le šegofatša ka go fetišiša, le gore mogau wa Gagwe le mosa di tla ba le lena go kgabola beke ye e tlogo. Gomme ge se sengwe se ka direga, gore yo mongwe wa lena a thellele ka kua ga seširo bjale, e nong go elelwa gore e no ba feela diiri di se kae tša go robala le go khutša go fihla re kopana. Elelwang, gore, “Ba ba phelago gomme ba šetše ba ka seke ba šitiša bao ba robetšego, ka gore Phalafala ya Modimo, Phalafala yela ya mafelelo . . .” Ya boselela e šetše e llile. Gomme Phalafala yeo ya mafelelo, go swana le Lehuto la mafelelo, e tla ba Gotla ga Morena. “E tla lla, gomme ba ba hwetšego go Kriste ba tla tsoga pele.” Ba nno khutša go fihla nako yeo.

<sup>159</sup> Gomme ge o ka hwetša kgobalo, elelwa:

Tšea Leina la Jesu le wena,  
Bjalo ka sephemo go tšwa molabeng wo  
mongwe le wo mongwe;  
Gomme ge meleko go go dikologa e  
kgobokana,  
E no hema Leina le lekgethwa leo ka thapelo.  
(Bodiabolo ba tla tšhaba.)

<sup>160</sup> E nong go elelwa, re holofela go kopana le lena mo Lamorena le le latelago mosong. Tlišang balwetši le batlaišwa. Ke tla be ke le rapelela. Le nthapeleleng bjale. A le tla e dira? E reng “Amene.” [Phuthego e re, “Amene.”—Mor.] Ke tla le rapelela, gore Modimo a le šegofatše.

. . . Leina ka thapelong.

Leina le bohlokwa, Leina bohlokwa, O le  
bose bjang!  
Kholofelo ya lefase le thabo ya Legodimo;  
Leina le Bohlokwa, O le bose bjang!  
Kholofelo ya lefase le thabo ya Legodimo.

Mo Leineng la Jesu go a kobja,  
Ba wa go ikala maotong a Gagwe,  
Kgoši ya dikgoši ka Legodimong re tla Mo  
rweša korone,  
Ge leeto la rena le fedile.

Leina la bohlokwa, Leina le bohlokwa, (a ga  
se le lebose gomme le bohlokwa?)  
Kholofelo ya lefase le thabo ya Legodimo;  
Leina le bohlokwa, Leina le bohlokwa, O le  
bose bjang!  
Kholofelo ya lefase le thabo ya Legodimo.

<sup>161</sup> Ka mehla ke mo go thata go le tlogela. Le ge ke tseba gore le a swa, eupša go no ba se sengwe ka . . . A re, e tee ye nngwe gape temana ya se sengwe, a le tla se dira? [Phuthego e re, “Amene.”—Mor.] A le ka e dira? *Tšhegofatšo A E Be Setlemo Seo Se Tlemaganyago*, kgaetšedi. Ke ba bakae ba ba tsebago pina ya kgale? Re be re fela re e opela, mengwaga ya go feta.

<sup>162</sup> Gomme ke be ke nagana, bošegong bjo, “diatla tše pedi, go tše makgolo, tše di šetšego,” ge re be re fela re opela kopelo yeo go dikologa tabarenekele, gomme re kopantše seatla mongwe go yo mongwe. *Tšhegofatšo A E Be Setlemo Seo Se Tlemaganyago*. Ke bolokile ba bantšhi ba bona, thwi godimo ka mo dirapeng. Ba letile. Ke tla ba bona gape. Ke a ba bona, ga tee ka sebakana, ka ponong, ge ke lebelela ka kua ga seširo. Ba gona fao.

A re kobeng dihlogo tša rena bjale ge re opela.

Tšhegofatšo a e be setlemo se se  
tlemaganyago  
Dipelo tša rena ka lerato la Bokriste;  
Kopanelo . . .  
E swana le yela ya Godimo.  
Ge re . . .

Bjale fihlelela kua gomme o sware seatla sa yo mongwe.

. . . tlogelana ka go arogana,

Bjale kobang dihlogo tša lena.

E re fa bohloko bja ka gare;  
Eupša re tla fela re tlemagane ka dipelong,  
Gomme re holofela go kopana gape.

<sup>163</sup> Ka dihlogo tša rena di kobilwe. Ke bušetša tirelo go modiša bjale, gomme re šwalalana ka . . .



*DIDIBANA TŠA MAITIRELO* NST64-0726E  
(Broken Cisterns)

Molaetša wo ka Ngwanešu William Marrion Branham, mathomong o abilwe ka Sekgowa ka Sontaga manthapama, Julae 26, 1964 ka Tabarenekele ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
P.O. Box 178, SOMERSET WEST, 7129 CAPE PROVINCE,  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)